

四庫全書

經部

欽定四庫全書

經部

春秋大事表卷四十二之四

詳校官侍郎李封

給事中臣溫常校覆勛

總校官知縣臣

楊懋珩

校對官中書臣

松承志

謄錄監生臣

蔣錦城

欽定四庫全書

春秋大事表卷四十二之二

國子監司業顧棟高撰

三傳異同表

莊公

元年春王正月

左不稱即位文姜出

公何以不言即位

梁繼弑君不言即位

故也

春秋君弑子不言

正也先君不以其

杜註據文姜未還故傳云文姜出也姜于是感公意而還不書不告廟

即位

道終則子不忍即位也

陸氏淳曰左氏云文姜出母以得罪去國猶曰不忍父為他國所弑其情若何不舉其大而舉其細非通論也

劉氏敞曰原左傳此意當為文姜與桓俱行未有至文故云出爾不知夫人行不以正者至皆不書也且文姜弑君自絕于魯莊公何故不忍即位乎莊公不忍即位文姜感之而還則莊公已忘文姜弑其父矣何以文姜又孫于齊乎

景纂曰左氏之謬陸氏淳劉氏敞駁之是矣胡傳謂內無所承上不請命故春秋絀之亦非也隱莊

閔僖外俱書即位豈皆稟命于王若桓
若宣若定豈皆內有所受自當從公穀

三月夫人孫于齊

左
不稱姜氏絕不為

公羊

內諱奔謂之孫夫

穀梁

諱奔也接練時錄

親禮也

人固在齊矣其言

母之變始人之也

孫于齊何念母也

啖子曰豈有先在齊而今書孫乎蓋公羊見無夫
人至文故云爾不知夫人隨喪而歸以不告廟故
不書穀梁亦言夫人先在
齊至練時始錄之亦非也

案公羊云
念母尤謬

霞峰華氏曰案文姜於此不稱姜氏而哀姜之孫于邾則不去其姓氏于其以喪歸則第書夫人氏而不稱姜一絕之于孫齊之日一絕之于喪至之日蓋各因事垂訓為萬世法也文姜躬負大逆而孫而即歸聖人曰此時義不當歸也魯之臣子義不當使之歸也是故于其孫齊絕之使知負弑逆之罪者雖其子繼世而為君而生不得徇母子之情而違大義哀姜孫而不歸而以喪歸聖人曰此時喪不當歸也魯之臣子義不得以其喪歸也是故于其喪至絕之使知與篡弑之惡者雖其身已見討于方伯而死猶不得入先公之廟以辱宗祧不絕之于其孫齊之日使文姜去而速反儼然為國母而後會祿會防會穀如齊師享祀丘出入無忌專制壺內雖欲復齊襄之仇其可得乎不絕之于喪至之日使哀姜以國母之喪歸嗣後葬以小君之禮禘太廟致夫人雖欲不越禮而為之其可

得乎

案華氏之論極精但此條去姜氏字是省文哀姜書夫人氏是闕文非義所存也直因先儒之論而為之說爾范甯註穀梁乃謂哀姜殺子之罪輕故曰夫人氏第去姜以貶之文姜殺夫之罪重故全去姜氏此輕重之差夫殺夫與殺子同一殺君范氏之說直兒童之見更不可通矣書法只在一孫多生枝節字此外不必

夏單伯逆王姬

逆左作送

左無傳

公羊單伯者何吾大夫

穀梁命大夫故不名不

杜註單伯天子卿王將嫁女于齊既

之命乎天子者也

言如何也義不可

送女不稱使也

逆之者何使我主

受于京師也躬君

之也天子嫁女于

弑于齊使之主婚

諸侯必使諸侯同

姻與齊為禮其義

姓者主之

固不可受也

汪氏克寬曰左氏惑于成襄昭之經書單子故云爾然周有祭伯祭叔豈可以鄭祭仲亦周大夫乎

景纂曰三傳互異者折衷于經左氏以單伯為周大夫故以逆為送然以莊十四年單伯會諸侯文

十五年經書單伯至自齊之例考之則單伯實為魯臣當主公穀之說

二年公子慶父帥師伐於餘丘

左無傳

杜註於餘丘國名
莊公時年十五則
慶父莊公庶兄

公於餘丘者何邾婁

穀梁國而言伐於餘丘

之邑也曷為不繫

邾之邑也其曰伐

乎邾國之也

何也公子貴矣師

重矣而敵人之邑

所以譏公也

彙纂曰公穀皆以為邾邑杜氏獨以為國詳考經
文伐人之邑未有不繫國者亦未有邑而書伐者
則杜註為勝慶父公羊以為母弟杜氏以為庶兄
劉氏炫謂慶父欲同正嫡故以莊公為伯而自稱
仲理或然也要之經意所重惡慶父之得
兵權爾或國或邑或弟或兄皆非義所急

三年溺會齊師伐衛

左疾之也

公羊公溺者何吾大夫之

穀梁其不稱公子何也

未命者也

惡其會仇讐而伐

同姓故貶而名之

也

陸氏淳曰左氏穀梁皆以不稱氏為貶按例

案此納衛朔也溺不書公子蓋與無駭柔挾同例

為未命爾若會仇讐伐同姓抗天子則直書其事

而罪惡自見不必以去公子示貶

五月葬桓王

左緩也

公此未有言崩者何

穀改葬也改葬之禮

以書葬蓋改葬也

總舉下緬也

范註下輕也緬遠也總為五服之最輕言緬釋所以總也

劉氏敞曰公穀以為改葬非也若誠改葬春秋應書改葬如改卜之類矣今不言改非改葬也固當據經文

張氏溥曰桓王崩七年乃克葬傳者疑其太緩遂云改葬至春秋說云恒星不見夜明周人榮奮改

葬桓王冢則近誕矣考桓公十八年王室有子儀黑肩之亂因亂而殺葬其或然歟

四年紀侯大去其國

左紀侯不能下齊以

公羊

曷為不言齊滅之

穀梁

大去者不遺一人

與紀季夏紀侯大去其國違齊難也

為襄公諱也何賢

之辭也言民之從

乎襄公復讐也襄

者四年而後畢紀

公之遠祖哀公烹

侯賢而齊侯滅之

乎周紀侯諧之以

不言滅而曰大去

襄公之為此者事

不使小人加乎君

祖禰之心盡矣遠

子

祖幾世乎九世矣

九世猶可以復讐

乎雖百世可也

案春秋復九世之讐聖人何嘗有此意漢武帝執此一語遂開西北邊禍及平民殫財喪師流血千里公羊一言之流毒至于如此

又案公羊復讎之說全無義理無足深辨獨程子以大為紀侯之名蓋從失地書名之例諸儒多從之霞峰華氏亦云聖人于紀多恕詞然大法畢竟以國君死社稷為正若書大去其國或疑聖人之

許之而張其詞故程子以大為紀侯之名良有以也然愚竊以大去者是傷憫之辭亦非張大紀侯也紀之圖全宗社至矣不得已而去無所失道此與太王之去邠何異大去如荀偃云大還婦人見絕于夫為大歸蓋一往不返之辭其傷之也至矣積齊程氏謂于文則支于義則窒殊屬謬解

齊侯葬紀伯姬

左無傳

杜註紀季入鄆而紀侯去國齊侯加禮初附以崇厚義故以紀國夫人禮葬之

公羊外夫人不書葬此

穀梁吾女也失國故隱

何以書隱之也何而葬之

隱爾其國亡矣徒

葬于齊爾

劉氏敞曰如杜之說則謂春秋褒齊得禮者非也
逐人之君葬其夫人此正春秋所惡何謂以崇厚
義乎穀梁曰吾女故隱而葬之非也若但云葬紀
伯姬如穀梁說可矣今曰齊侯葬紀伯姬則重在
齊侯不在
吾女明甚

案聖人書此罪齊亦以責魯也魯為伯姬父母之
國既不能救其國恤其喪反使齊侯假以為名居
然告魯魯又視然使大夫會葬此雖庶
民之家猶為可恥況堂堂有國之君乎

五年冬公會齊人宋人陳人蔡人伐衛六年春王人子
突救衛

左
伐衛納惠公也六

公納朔也曷為不言

穀其曰人何也人諸

年春王人救衛夏

納衛侯朔辟王也

侯所以人公也其

衛侯入放公子黔

王人微者也子突

人公何也逆天王

牟于周殺左公子

者何貴也

之命也王人卑者

洩右公子職君子

也稱名貴之也善

以二公子之立黔

救衛也

牟為不度矣

劉氏敞曰左氏以立黔牟為不度非也王人子突
救衛春秋責之則是黔牟王所欲立也篡王所立

朔則有罪今朔不見貶而黔
牟傾先蒙惡豈春秋意哉

趙氏直曰公羊以不言納朔為避王據諸侯之心實不避王而經文反為之隱避是黨罪人也若以為王諱其逆命則王室亂及尹氏立子朝猶不諱不應諱此若云為魯諱則成宋亂及納子糾皆不諱亦無宜諱此蓋因納事已著再書則煩冗故不書爾

彙纂曰衛朔得罪于王而齊襄會諸侯以納之無王甚矣故春秋皆書人以貶之子突左氏以為字穀梁以為名其以為褒救衛則一也孔氏穎達謂二字而子在上者皆是字于理為近故當從左氏張氏洽曰春秋一經王旅之出而合司馬九伐之法者惟此一事故特書字以褒之

案劉氏敞謂不言納衛侯朔不與其納也陳氏傳良曰以朔入為重也伐鄭納突伐衛納朔俱不言納書入而已矣義極精

七年夏四月辛卯夜恒星不見夜中星隕如雨

左

恒星不見夜明也

公羊如雨者何如雨者

穀梁

其不曰恒星之隕

星隕如雨與雨偕

也

非雨也不修春秋

何也我知恒星之

曰雨星不及地尺

不見而不知其隕

杜註辛卯四月五

而復君子修之曰

也我見其隕而接

無雲日光不以昏

賈星如雨

于地者則是雨說

有雲星落而且雨

何註明其狀似雨

皆記異也疏曰左

也著于上見于下

氏謂星與雨偕故

杜轉如為而不得

謂之雨著于下不

謂狀似雨

見于上謂之隕

劉氏敞曰如雨者言衆多不可為數也左氏云與雨偕非也杜氏注以如猶而言星隕且雨亦非也春秋記星隕為異耳夜中而雨何足記乎穀梁云著于上見于下謂之雨以言兩蝨可也以言雨雪則何著于上之有又曰著于下不見于上謂之隕以言隕石可也以言星隕則何不見于上之有公羊之說无妄語若實尺而復無為不書

彙纂曰此言隕之多也三傳之說俱有未協劉氏敞皆駁之其義甚精

八年夏師及齊師圍邾邾降于齊師秋師還

邾公羊作成

左仲慶父請伐齊師

公成者何盛也曷為

穀其曰降于齊師何

公曰我實不德齊

謂之成諱滅同姓

不使齊師加威于

師何罪乃還君子

也曷為不言降吾

邾也

是以善魯莊公

師辟之也

范註使若齊無武功而邾自降

何註辟滅同姓使若魯圍之而去成自從後降于齊師

劉氏敞曰公羊之說非也實共圍成改謂之成實滅其國改謂之降實降于魯獨言降齊則是春秋

非實錄豈可傳世乎穀梁謂不使齊師加威于邾其意欲以貶齊其實乃為齊文過

吳氏澂曰說者謂魯欲取邾而結陳蔡同伐陳蔡不至乃藉力于齊案魯弱于齊齊豈肯為魯役魯

亦何敢役之哉蓋齊欲圍邾而徵兵于魯與陳蔡爾邾畏齊而不畏魯故獨降齊師也

案莊公親仇讐而伐同姓邾又不服而降齊師師久於外甘為讎役直書而罪自見經文本自直捷簡易不知傳者何苦自生支離左氏以為善公穀以為諱俱謬

九年公伐齊納糾齊小白入于齊

左氏作子糾

左

初襄公立無常鮑

公羊

曷為以國氏當國

穀梁

以惡曰入齊無知

叔牙曰亂將作矣

也其言入何篡辭

弑襄公公子糾公

奉公子小白出奔

也

子小白不能存出

莒亂作管仲召忽

亡齊人殺無知而

奉公子糾來奔九

迎公子糾于魯公

年春雍廩殺無知

子小白不讓又殺

公伐齊納子糾桓

之于魯故曰入于

公自莒先入

齊惡之也

杜註小白僖公庶
子糾小白庶兄

趙子曰莒近齊小國而襄公強而無道大夫如何
輒敢將公子奔之而獲安乎杜註云並僖公之子
尤非也若然則糾非讐人之子公納之不應有深
譏故穀梁云襄被弒二公子乃出奔此說為正言

皆襄公
之子

李氏廉曰子糾三傳皆以為當納趙子程子胡氏以為不當納所以然者杜氏以子糾小白並齊僖之子而糾長故當立穀梁似以子糾為襄公子矣而終以糾為兄故亦以為當立獨程子用史記証之而定以糾為襄公子于是魯納讐之罪明定以糾為小白弟于是糾不當立之義著然後糾不書之忘親釋怨皆得其說矣

案左傳叔向謂齊桓為衛姬之子有寵于僖如此則桓公與子糾皆僖公之子矣既非讐人之子春秋何故深罪莊公三傳及註疏並謂糾為兄為當立如此則桓公為篡國之賊矣夫子何以許管仲之不死程子以糾為小白弟蓋以孔子答子路子貢之言以大義斷之不第據薄昭與淮南王書也况公穀之經文糾不書子而齊小白以國氏如鄭忽曹羈之例乎

十年二月公侵宋

左

有鐘鼓曰伐無鐘

公

猶者曰侵精者曰

殺包人民驅牛馬曰

鼓曰侵

伐

侵斬林木壞宮室

例在二十九年

何註猶麤也將兵
至竟以過侵責之
服則引兵而去用
意尚麤精猶精密
也侵責之不服推
之入竟伐之益深
用意稍精密

曰伐

黃氏仲炎曰趙子纂例又盡破三傳之說而曰聲
罪致討曰伐無名行師曰侵合是數說考之蓋左

氏嘗聞聲罪之說而誤以為鐘鼓之聲也。不知春秋書侵如齊侯侵蔡，晉侯侵楚，皆用大師而總數國若無鐘鼓，何以行師？則左氏之說非也。師之所處，荆棘生焉。其為邑，人民駟牛馬，斬木壞室者，皆用兵必至之禍。固無分于侵與伐，則穀梁之說非也。侵伐雖異，辭均之為挾私逞忿，爾若謂侵為無名，則伐豈有名乎？當時諸侯如齊侯侵蔡，晉侯侵曹，必謂其有附楚之罪，而侵之亦不應無名也。則趙子之說又非也。惟公羊以為獮曰侵，精曰伐，其說近之，而未盡。夫奉辭稱罪而討敵，敵必請服，不服則必出師以禦之。是以經書伐者多，至于戰如齊伐衛，衛及齊戰，宋伐齊，齊及宋戰之類是也。不奉辭稱罪，而但侵擾其疆場，故敵國不暇請服，而亦不及禦之。是以經書侵者未嘗至于戰，如齊人侵我西鄙，公追齊師至鄆，弗及，蓋疆場之事，不知之後時追之已去矣。故曰稱罪而討其國曰伐，不稱

罪而掠其境曰侵

十一年秋宋大水

左

公使弔焉云云對

公外災不書此何以

穀梁何以書王者之後

曰云云

書及我也

也

杜註公使弔之故書

何註時魯亦有水災書外以見內也

陸氏淳曰外災來告則書二傳不達此意故各穿鑿

劉氏敞曰公羊云及我也春秋內魯國而外諸夏若水災及魯自可記魯災無為詳宋而畧我穀梁云王者之後案杞亦王者之後何以不書其災

冬王姬歸于齊

左齊侯來逆共姬

公何以書過我也

穀梁其志過我也

杜註齊桓公也時
魯主婚經不書齊
侯逆不見公

何註時王者嫁女
于齊塗過魯明當
有送迎之禮

陸氏淳曰案書其歸為魯主婚爾公穀皆云過我
穀梁他處即云為之中者歸之與此自相反矣
劉氏敞曰不書齊侯逆不見公非也魯為王主婚
若齊侯來逆女而公輒不見何謂主婚矣其不書
來逆者乃常事
自不書者也

案魯與齊不共戴天之讐非特不當主襄公之婚
并不當主桓公之婚特以罪有大小故書有詳略

爾其餘為王主婚固多矣惟莊公之世
兩書王姬歸于齊所以見莊之無父

十二年紀叔姬歸于鄫

左無傳

杜註紀侯去國而死叔姬歸魯紀季自定於齊而後歸之全守節義以終婦道故繫之紀而經以初嫁為文賢之也

公羊其言歸于鄫何也

隱之也其國亡矣

徒歸于叔爾

穀梁其曰歸何也吾女

也失國喜得其所

故言歸焉爾

范註紀季雖以鄫入齊然襄公豺狼未可信桓公既立德行方宣于天下是以叔姬歸于鄫魯喜其女得行其

志

陳氏深曰公羊云徒歸于叔師氏以為未詳而謂紀侯既卒叔姬歸于父母之國可也嫂叔不通問況可歸于叔乎蓋識之東海亦謂失以禮自防之義然叔姬當隱七年歸紀至此已三十四年紀國已亡歸鄫奉祀以終其身非其婦節可重聖筆何故書卒又書葬以為婦道之勸乎

霞峯華氏曰積齋謂叔姬不當歸鄫蓋沉于春秋所書必皆失禮之事故觸處多礙至泰山孫氏謂歸為嫁辭以伯姬之媵而歸于叔非其所歸亂也則恃謬之甚叔姬此時年近六旬老而歸鄫不忘其故奈何以亂責之

十三年春齊侯宋人陳人蔡人邾人會于北杏

齊侯穀梁作齊

人

左

以平宋亂遂人不

公無傳

梁穀是齊侯宋公也其

至

何註桓公時未為
諸侯所信向故使
微者會也

曰人何也桓非受
命之伯也稱人衆

之辭也

范註言非王命衆
授之以事

汪氏克寬曰桓率諸侯以平宋亂宋公決不
以微者會邾小國尤不敢以微者會公侯

李氏廉曰春秋始伯之書有三北杏獨書
齊侯曹南獨書宋公城濮獨書晉侯是也

景纂曰穀梁作齊人據李氏廉始伯之辭例以曹南城濮則當作齊侯為是四國稱人何氏休謂為微者案春秋時諸侯列于會而位乃定左氏謂平宋亂則宋人為宋公無疑餘可知矣或以稱人為貶辭或以為衆辭以為貶者天子錫命之法以為衆者諸侯推戴之情二說相兼始得

冬公會齊侯盟于柯

左
始及齊平也

公
何以不日信之也

穀
梁曹劌之盟也信齊

莊公將會乎桓曹

侯也不日信也

子進曰君之意何

如莊公曰寡人之

生則不如死曹子
請劫之云云遂劫
桓公請汶陽之田
桓公與之要盟可
犯而桓公不欺信
著乎天下自柯之
盟始

趙子曰桓公未嘗侵魯地及盟後未嘗歸魯田且
莊公與齊大讐襄公之時猶歡好不絕不應至桓

公却生
讎怨

孫氏覺曰齊魯不和久矣于是齊桓求伯欲與魯平故為柯之盟左氏曰始及齊平是也公羊載曹歲劫盟經無其事趙子曰其事迹既妄不可以訓

彙纂曰公穀皆以不日為信案隱元年盟密莊九年盟既經不書日穀梁曰其盟渝也至扈與葵丘桓盟亦有書日者則又遷就其說或以為危之或以為美之何前後之屢相互異如此朱子謂以日月為褒貶穿鑿得全無義理者此類是也日不日皆因史舊文假令舊史所無聖人安得而強加之乎

十四年夏單伯會伐宋

左

宋人背北杏之會

公其言會伐宋何後

毅會事之成也

諸侯伐宋齊請師

會也

范註伐事已成單伯乃至

於周夏單伯會之

取成于宋而還

俞氏臯曰單伯魯卿元年逆王姬者左氏以為周卿故誤逆為送至是又附成其說不知周有單子

非單伯也若是周之單伯則當書曰天王使單伯會伐宋不當如此書法矣

十六年冬十有二月會齊侯宋公陳侯衛侯鄭伯許男

滑伯滕子同盟于幽

公羊作公會

左

鄭成也

杜註言同盟服異也

公同盟者何同欲也

穀同者同尊周也

霞峯華氏曰春秋書同盟十有六其二齊桓其十
四晉說穀梁者曰齊盟二皆同尊周晉盟十四皆
同病楚說左氏者曰言同盟服異也說公羊者曰
書同盟志同欲也胡傳有二例或以同欲而書同
或以惡其反覆而書同四說者通于此或不通于
彼至文定則自相矛盾幾焚如亂絲惟劉原父曰
同所以名盟焉耳一言決千古之疑矣知同盟為
當時命盟之名則春秋之書同盟不過直書其事
而其不書者亦當時自不以同盟為名而非聖人
創立一例以褒貶之也文定于二幽之盟則曰志
諸侯同欲而書同視他盟為愈是聖人與之也于
蟲牢則曰特書同以見其皆不臣是聖人惡之也

予之而書同惡之而又書同朱子謂此後世舞文弄法者之所為曾聖人之春秋而有是哉

又曰春秋之書同盟惡其無王命而行天子同盟之禮也覲禮天子以會同之禮見諸侯諸侯不協則有盟為壇祀方明方伯臨之謂之同盟齊桓非受命之伯而行其禮僭也逮其後且至以大夫而行同盟之禮矣春秋于幽之盟諱不書公謹其始以示貶所謂直書其事而自見也夫同盟之名昉于周禮儀禮其來舊矣論者以為聖人特加之名或以為予之或以為惡之後人將何所取準乎黃氏仲炎曰盟而加同者錄當時載書之辭爾蔡丘盟曰凡我同盟之人蓋同盟之辭在當時有之非孔子新筆也即是以知凡載書曰同盟于某孔子修之亦曰同盟無此字則不書也說者多曰同欲同盟于清丘而衛將叛盟同盟於斷道而魯不肯盟同盟于平丘而齊不受盟豈得謂同欲也哉

十七年春齊人執鄭詹

左
鄭不朝也

公
此鄭之微者何言

穀
卑者不志此其志

乎齊人執之書甚

何也以其逃來志

佞也

之也將有其末不

得不錄其本鄭詹

鄭之佞人也

李氏蕙曰左氏說是公穀以詹為佞人此無據之言杜氏以稱人為賤之穀梁又以稱人為與齊皆非公羊又以為魯信用詹計取齊淫女卒為後敗故甚其受佞其說出緯文不可取

景慕曰公穀以為佞固非左氏以為不朝夫同盟未逾月乃遽責其不朝可乎孫氏復為盟未歸而見執以陳轅濤塗例之情事頗合

案詹不氏與柔挾同蓋大夫之未命者書執罪齊也書逃罪詹不能守節也僖七年傳曰鄭有叔詹堵叔師叔三良為政稱曰三良則知佞人之說非矣

十八年公追戎于濟西

左
不言其來諱之也

公
此未有言伐者其

穀
其不言戎之伐我

杜註戎來侵魯魯人不知去乃追之

言追何大其未至而豫禦之也其言

何也以公之追之不使戎適于我也

于濟西何大之也

于濟西大之也

劉氏敞曰公羊謂大其未至而豫禦之非也若未至而禦何謂之追乎穀梁謂不使戎邇于我戎若不來公則無追又云于濟西大之亦非也既不言戎之來又不言濟西則當但云公追戎矣安知追之于何所乎

汪氏克寬曰春秋書追二追戎濟西譏其在境而不能預備也追齊師至鄆譏其出境而弗取及之也

彙纂曰左氏云諱之蓋諱其無備意與胡傳同若公穀大之之說則非也劉氏敞之甚明程氏端學曰春秋書此義在于遠追耳非譏其無備也

十九年公子結媵陳人之婦于鄆遂及齊侯宋公盟

左無傳

杜註結在鄆聞齊宋有會權事之宜去其本職遂與二君為盟盟本非魯公意而又失媵陳之好故三國冬各來伐

公諸侯娶一國則二

媵淺事不志此其

國往媵之媵不書

志何也辟要盟也

為其有遂事書禮

范註魯實使公子結要二國之盟未

大夫受命不受辭

審得盟與否故以媵婦為名得盟則

出竟有可以安社

盟不則止

稷利國家者則專

之可也

劉氏敝曰公羊以陳人為陳侯果如是春秋無故貶損陳侯使從人稱蓋陳人特陳大夫耳穀梁云辟要盟魯誠欲自托于大國者豈敢以媵婦之名而遣使者以取戾于霸主哉

李氏廉曰魯大夫書遂始于此僖三十年公子遂遂如晉襄十二年季孫宿遂入鄆大夫專國之漸也公羊以為善穀梁以為魯實使之皆非經旨

黃氏士炎曰公羊謂大夫出疆有可以安社稷利國家則專之可也漢廷議多祖其說而不知其利非也春秋之亂正由臣下擅主威大夫竊國命故特書大夫遂事以垂戒于萬世試使結真能安國家而矯命已為可罪况秋與齊宋盟而冬受齊宋之伐則所謂安者奚在乎

崇公穀皆以為魯女媵陳侯之婦程子則謂鄭之巨室嫁女于陳人結以其庶女媵之積齋或問云

如此則經當書公子結之女媵鄆人之女于陳遂
及齊侯宋公盟不當如今所云也結既為媵自然
知為魯女矣積齋所駁極是鄆是衛之東地正義
謂陳取衛女為婦魯使結送媵向衛至鄆聞齊宋
為會將謀伐魯因舍其本職遂與二君會盟齊宋
以其非君命而怒陳以其送女之不終而怒故冬
各來伐据此說極有理但陳人終當作陳侯若是
陳之大夫娶婦魯無用以國君之女往媵若說鄆
之巨室嫁女陳人更無為以徵者之失好而怒
也況巨室嫁女而結女為媵何須親送即送亦極
細事何足重煩聖筆人字或係侯字之誤耳或以
其為下事起故稱人以畧之未可知程子嘗言
大夫無內主則家道不立故不得已而再娶如此
則大夫無媵矣陳人安得有媵兩說自相違反此

二十年齊大災

左無傳

杜註天火曰災

公大災者何大瘠也

穀其志以甚也

大瘠者何痢也

何註瘠病也齊人語痢民疾疫也

啖氏助曰災天火也若以大災為大瘠新宮災亦可云新宮瘠乎

二十二年肆大青

公羊青作省

左無傳

公大省者何災省也

穀肆失也青災也為

譏始忌省也

嫌天子之葬也

何註謂子卯日也先王常以此日省

范註言放失大罪惡文姜之罪本應

吉事不忍舉時魯有夫人文姜之喪忌省日不哭省日本以忌吉事不忌凶事譏莊公不盡子道

誅絕不當葬若不赦除衆惡而書葬為嫌天子許之明須赦而後得葬

劉氏敞曰經云肆大賁而公羊謂之忌省其文與其理不可訓解蓋不足辨穀梁曰為嫌天子之葬文姜存時猶莫之討今死矣反待天子而葬乎

案公穀之說不同皆以連下葬我小君文姜立義故各生如此穿鑿趙氏匡曰赦自赦葬自葬肆大賁者譏其縱釋有罪爾程子謂凡赦何嘗及得善人此說是也

二十四年大夫宗婦覲用幣

左

公使宗婦覲用幣

公宗婦者大夫之妻

穀梁禮大夫不見夫人

御孫曰男贄大者

也見用幣非禮也

不言及不正其行

玉帛小者禽鳥女

婦道故列數之也

贄不過榛栗棗脩

今男女同贄是無

別也

胡氏寧曰識同見也故不稱及
若大夫不覲只書宗婦覲足矣

彙纂曰古者仕於其國有見小君之禮則夫人始
至而大夫見之固亦禮之所有穀梁謂大夫不見

夫人與諸傳不合劉氏敝駁之為是公羊及胡傳皆以宗婦為大夫之妻蓋兼異姓言之杜氏以為同姓大夫之婦案襄二年葬齊姜齊侯使諸姜宗婦來送葬諸姜是同姓之女則杜氏之說為正案左氏只言公使宗婦覲不言大夫而杜氏預謂同贄俱見諸儒因攻杜氏謂杜氏解經一宗左氏不少違此乃不察而背之世豈有男女俱見之理愚以莊公欲奢夸夫人丹楹刻桷無所不至唐高宗以百官命婦同宴於麟德殿淫昏之君往往如此不足異也

冬我侵曹曹羈出奔陳赤歸于曹

郭公

公穀皆以赤歸于曹郭公

六字
為句

左
無傳

公曹羈者曹大夫也

穀梁赤蓋郭公也何為

杜註羈蓋曹世子也先君既葬而猶不稱爵者微弱不能自定曹人以名赴赤曹僖公蓋為戎所納郭公闕誤

何以書賢也戎將侵曹曹羈諫曰君請勿自敵三諫不聽遂去之赤者何蓋郭公也失地之君也

穀梁名也諸侯無外歸之義外歸非正也

趙氏直曰公穀皆云赤蓋郭公案郭公自是闕文赤者曹公子文義都不相關誤甚矣

蘇氏輟曰公穀皆云郭公赤失國而歸于曹果爾當書曰郭公赤出奔曹不當先書赤歸于曹而後

繼之以
郭公也

案羈出赤歸與鄭之忽出突歸同例赤蓋挾戎以
篡嫡爾公羊謂曹羈為曹大夫三諫不聽事屬無
據又公穀以羈赤一事分作兩事連下
郭公又以兩事并作一事迂拙不可解

先儒或以為郭亡亡字與公字相似故誤郭亡之
跡見管子書郭亡者言郭自亡與春秋書梁亡同
例義亦通

二十六年曹殺其大夫

左
無傳

公何可以不名衆也曷
為衆殺之不死于

穀言大夫而不稱名
姓無命大夫也曰

曹君者也

何註曹諸大夫與
君俱敵戎戰曹伯
為戎所殺餘大夫
不伏節死義後嗣
子立而誅之春秋
以為得其罪故衆
畧之不名

大夫賢也為曹羈

崇也

范註于時微國衰
陵其大夫降班失
位下同于士故無
命大夫而曹羈獨
以賢不用其言使
出奔他國終于受
戮君子愍而崇之

趙氏匡曰公羊云不死于曹君假如不死節豈有
舉國盡殺之乎穀梁曰無命大夫案例不命大夫
被殺皆
稱名

孫氏覺曰春秋殺大夫三十有八而不名者三非賢之史失之也舊史失其名孔子安得而妄加之公羊云不名衆也案春秋晉殺三卻猶悉名之安得衆而不名乎穀梁曰無命大夫宋殺大夫亦有

不名者豈宋大國亦無命大夫乎皆不通也

案此春秋譏專殺大夫爾不名者係孔子修成以後失之詳見闕文表

二十七年公子友如陳葬原仲

左非禮也原仲季友

公大夫不書葬此何

穀梁言葬不言卒不葬

之舊也

以書通乎季子之

者也不葬而曰葬

私行也何通乎季

諱出奔也

子之私行辟內難

也

陸氏淳曰穀梁云不葬而曰葬案春秋前後無有
虛設其事以為義者且書葬之意直譏季友之行
爾彼是陳國大夫
安得書其卒也

劉氏敞曰公羊云辟內難此時去莊
公歿尚數年內難未作何辟之有

景纂曰人臣無境外之交季友越國會葬
故春秋直書以示貶公穀之說皆非也

二十八年春王三月甲寅齊人伐衛衛人及齊人戰衛

人敗績

王使召伯廖賜齊

公羊伐不日此何以日

梁其曰人何也微之

侯命且請伐衛以

至之日也

至日便伐明暴

也授之諸侯而後

其立子頹也春齊

曷為使衛主之衛

有侵伐之事故微

侯伐衛數之以王

未有罪爾

之也

命取賂而還

何註蓋為幽之會服父喪未終而不至故

范註齊侯始受方伯之任未能信著鄰國不宜遽行侵伐故書人以微之

案左氏十九年秋王室有子頹之難五大夫奉子頹以伐王不克蘇子奉子頹奔衛衛師燕師伐周

立子頹明年春鄭厲公和王室不克執燕仲父以王歸處于櫟又明年夏鄭虢同伐王城殺子頹及

五大夫首尾凡五年而齊桓于是時方伐魯伐戎
於王室之難若罔聞知天王亦不聞乞師伐衛到
此已越十年衛君已易世矣乃始請師于齊齊桓
為之伐衛天王不應舍忍于其父而蓄怒于其子
齊桓不應坐視于衛朔稱兵犯順之時而興師于
衛懿易代新喪之後且王室子帶子朝之亂經文
紀之詳矣天王出居于鄭則書劉子單子以王猛
居于皇則書天王居于翟泉則書獨子頽之事絕
不一見說者謂襄王實啓叔帶之亂而惠王未
過故為之諱據左氏所書惠王亦未得為無過且
即使無過亦安得諱王猛敬王未嘗有過不聞為
之諱也又云數之以王命取賂而還此乃齊晉末
世之事桓公創霸方新安得有此故知左傳之事
不足信學者以經斷之可也公羊云衛未有罪何
休註幽之會不至衛懿蓋以喪服未終
故齊遽伐之故貶稱人此義較平允

三十年齊人伐山戎

左
無傳

公
此齊侯也其稱人

穀
齊侯也其曰人何

何貶蓋以撻之為

也桓內無因國外

已覺矣

無從諸侯而越千

里之險北伐山戎

危之也則非之乎

善之也燕周之分

子也貢職不至山

戎為之伐矣

程氏端學曰伐山戎安知其不命將獻戎捷安知其不自行乎呂氏大圭曰以僖十年齊侯許男伐北戎觀之則伐北戎為齊侯親往伐山戎為將卑師少不然一齊侯也前伐山戎則稱人後伐山戎則稱侯前後自異誰能曉之又曰齊人伐山戎先儒多以為齊侯又以為救燕使實齊侯經當書曰齊侯使實救燕則傳之說不然矣萬世取信者經也據經考傳之真偽可也據傳疑經先儒之大弊也

景纂曰穀梁以為善救燕以通職貢胡傳本公羊貶之之說以為譏勤遠略蓋皆謂齊桓親行而其實非也僖十年伐北戎則稱齊侯以國語考之齊桓親伐山戎在伐楚之後蓋即指僖十年之役耳

是時桓親行故書齊侯此年不過遣將薄伐故循將卑師少之例而稱人至於會魯濟獻戎捷鄭封歲一相見恒事爾不足為齊桓親伐之証也經不書戎伐燕亦不書齊救燕則以書人為善救燕者亦非也救邢救許皆書于冊何獨于救燕則沒而不書

三十一年齊侯來獻戎捷

左

非禮也凡諸侯有

公羊齊大國也曷為親

穀梁內齊侯也不言使

四夷之功則獻于

來獻戎捷威我也

內與同不言使也

王王以警于夷中

其威我奈何旗獲

軍得曰捷戎菽也

國則否諸侯不相

而過我也

遺傳

趙氏臣曰據齊未霸之時尚不曾朝魯今既為伯主豈有自獻戎捷乎必無此理但文誤蓋去年伐山戎當書齊侯此獻捷當書齊人交互致誤爾又曰穀梁云戎菽也齊桓分菽豆與諸侯不近人情又捷者軍得爾安知是菽乎

案公羊云過我齊在魯北燕與戎又在齊北伐戎無過魯之理

三十二年城小穀

左為管仲也

杜註公感齊桓之德故為管仲城私

公無傳

疏云二傳作小字與左氏異

穀無傳

范註小穀魯邑

邑

高氏閼曰杜預以小穀為齊邑若然聖人亦當異其文而繫諸齊且公雖感齊桓之私豈肯為管仲城私邑昭十一年傳所稱齊桓城穀而

寔管仲蓋齊自有穀非魯之小穀也

趙氏鵬飛曰左氏因楚申無宇有齊桓公城穀而寔管仲之言遂以此年城小穀牽合其事曰為管仲也杜氏因之遂以小穀為穀城夫穀城固齊地而安可強改小穀為穀城耶李氏蘄亦言經傳所稱齊之穀凡六見皆止書穀無言小穀者且桓公之有功于魯在高子來盟之後莊公時未見有公之迹故當從穀梁孫氏復謂曲阜縣西北有小穀城孫魯人終身學春秋小穀之為魯邑明甚

閼公

元年公及齊侯盟于落姑

左
請復季友也齊侯

羊公無傳

穀
盟納季子也

許之使召諸陳公

次於郎以待之

彙纂曰落姑之盟穀梁止曰盟納季子而左氏以
為請復季友孰請之耶是時慶父當國閔公方幼
慶父既不欲請閔公又不能請故陳氏傳良謂國
人為之吳氏激謂國之世臣如石碯者為之卓氏
爾康以為陳方為齊所厚季友援
陳人以請齊桓俱于情事頗合

齊仲孫來

左冬齊仲孫湫來

公齊仲孫者何公子

穀其曰齊仲孫外之

省難書曰仲孫亦

慶父也曷為繫之

也其言齊以累桓

嘉之也

齊外之也

也

范註言齊桓容赦有罪故繫慶父于齊

劉氏敞曰孫以王父字為氏此乃慶父之身也未可以稱仲孫且經實繫之齊若之何謂魯仲孫哉此不近人情之

尤者

二年夏五月乙酉吉禘于莊公

左
速也

公羊言吉者未可以吉

穀梁吉禘者不吉者也

也未三年也三年

喪事未畢而舉吉

之喪實以二十五

祭故非之也

月其言於莊公何

范註莊公薨至此方二十二月喪未

未可以稱宮廟也

畢

吉禘於莊公何以

書譏始不三年也

趙氏匡曰經但譏此時未當吉祭爾非謂魯便以此為常也

僖公

二年冬十月不雨

三年春王正月不雨夏四月不雨

六月雨

左

自十月不雨至于

公記異也其言六月

穀梁

一時言不雨者閔

五月不曰旱不為

雨何上雨而不甚

雨也雨云者喜雨

災也

也

也有志乎民者也

杜註一時不雨則

何註據上得雨不

范註一時不雨則

書首月正義曰冬

書又云一月不雨

書首月

春夏皆竟時不雨

未足害物而即書

疏云一時輒言不

至六月得雨乃書

者善僖公精誠感

雨者以僖公憂雨

之示不竟夏是杜
解五月所以不書
不雨之意

天不雩而得澍雨
故一月即書不雨
也

故時時別言之得
雨則心喜心乎愛
民故特書六月雨

疏云上謂二年之
十一月十二月三
年之二月三月五
月皆不書不雨者
是嘗得雨但未得
澍雨故也

案左穀梁皆以為一時不雨杜註范註文同公羊
則以為一月不雨餘月即有雨其不書雨者小兩
不甚故也愚意左穀為是小兩亦止可言不雨耳
若單是一月不雨未是變常不足書也至積齋程
氏截斷冬十月春王正月夏四月為句從一時無
事書首月之例謂三不雨與上文不相蒙此又求

新而反鑿不雨二字不蒙月定當蒙時則已非一時無事無用書首月若懸空書不雨二字更似一年不雨無此書法也六月雨則穀梁謂喜雨者得之蓋周之六月是夏之四月正當播種之時甘霖大沛君民同喜故書若文公時三書不雨其一自十有二月至於秋七月其二自正月不雨至於秋七月不書八月雨者八月為夏之六月此時苗已枯死雖雨亦無用故不書八月雨也何休謂不雨而得澍雨亦非此時而雩正是合禮不書春秋書雩二十一皆書大雩志其僭也春秋雨書大旱皆在夏秋三不雨皆連秋言之周之秋今之夏故為災此書六月雨則正當孟夏自宜不為災也

秋齊侯宋公江人黃人會于陽穀

左謀伐楚也

公此大會也曷為末

穀梁陽穀之會桓公端

言耳

末者淺耳但言會不言盟

委搢笏而朝諸侯

桓公曰無障谷無

諸侯皆諭乎桓公

貯粟無易樹子無

之志

以妾為妻

何註四者皆時人所患時桓公功德隆盛諸侯咸曰無言不從曷為用盟哉所以言會不言盟也

彙纂曰以為謀伐楚者左氏也公穀皆無此意然下與伐楚事相近疑左氏說是

四年楚屈完來盟于師盟于召陵

左

楚子使屈完如師

公羊

師在召陵則曷為

梁穀

不言使權在屈完

師退次於召陵齊

再言盟喜服楚也

也來者何內桓師

侯陳諸侯之師與

楚有王者則後服

也于召陵得志乎

屈完乘而觀之齊

無王者則先叛桓

桓公也得志者不

侯曰云云對曰云

公救中國卒帖荆

得志也以桓公得

云屈完及諸侯盟

以此為王者之事

志為僅矣

序續也

范註楚子不來屈完辭又不順僅乃

得志

彙纂曰胡傳本公羊以為序績諸儒多從之者但
屈完來盟其辭甚亢既盟之後楚人圍許滅弦滅
黃敗徐桀驚如故而桓不能禁則
穀梁所謂得志為僅者豈不信哉

八年禘于太廟用致夫人

左

禘而致哀姜焉非

公

譏以妾為妻也其

穀

言夫人而不以氏

禮也凡夫人不薨

言以妾為妻奈何

姓非夫人也立妾

于寢不殯于廟不

蓋脇於齊滕女之

之辭也

赴于同不祔于姑

先至者也

范註劉向曰夫人
成風也致之于太

則弗致也

廟立之以為夫人

何註僖公本聘楚女為嫡齊女為媵齊先致其女媵齊公使用為嫡故從父母辭言致因禘祭而見于廟

案此三傳之說各不同公羊謬妄不足辨學者所爭論者左氏與穀梁之說耳楊氏士勛曰若如左氏之說則哀姜元年為齊所殺何為今日乃致之其言似有理由是彙纂所徵引諸家悉主穀梁之說而其實非也木訥趙氏曰先君已死子安有見母于廟之理不詰自屈霍峯華氏曰致夫人乃致死者非致生者也若如劉向云立成風則經當言立夫人不當但言致夫人言致夫人語未明白且古無以子冊母之禮泰山孫氏又謂以夫人之禮致成風于太廟使之與祭將為主婦而祭乎將以

聲姜為主婦而成風與助祭乎尤不可通矣其遲至八年而後致者以哀姜醜聲昭著僖公疑于其禮不敢即行故遲至八年大祭始行之耳詳見吉禮口號註

又趙氏匡盡闢三傳之說而以夫人為聲姜其言曰僖公若致其母即當言夫人風氏不當但云夫人但云夫人者時君之妻耳且聲姜更無書至處故知因其至特設禘禮以為榮觀尤謬妄可笑設太廟盛禮以為媚悅夫人之計此與莊公之丹楹刻桷何異僖公賢君豈宜有此高紫趙氏曰夫人指哀姜斷無可疑其不稱姓謚而止稱夫人正與前書夫人氏之喪書法相照貶之至也得之矣高氏閱又謂五世之夫人莘老又謂聲姜哀姜成風程積齋盡絀諸家之說而獨取趙氏殊不可解又趙氏未訥亦主聲姜其言曰魯禘文王僖娶于伯主內以為榮也魯祀文王外以為榮也此亦莊

公親用幣之意噫莊公之媚衰姜此是何等醜事而乃輒以為比乎其說亦自露破綻矣

九年晉里克殺其君之子奚齊

左書曰殺其君之子

公此未踰年之君其

殺

其君之子云者國

未葬也

言弑其君之子奚

人不子也不正其

齊何弑未踰年君

殺世子申生而代

之號也

之也

啖氏助曰齊舍亦未踰年君也何不云其君之子故知穀梁國人不子之義是也

張氏洽曰齊舍未踰年而稱君以舍之正而與之也霞峯華氏曰非也舍立五月而商人弑之君臣

之位定雖未踰年稱君獻公甫卒而奚齊殺于喪次未立乎位而為君則稱其君之子而已設奚齊既立如舍之五閱月而被弑則春秋必書晉里克弑其君奚齊如卓子之例矣

程氏端學曰奚齊非弑逆之賊立雖不正則固晉人之君也使里克弑之于既立之後則豈非弑其君哉且卓與奚齊皆庶孽何獨于卓而書弑愚謂穀梁國人不子之說非也先君既以為子國人安得不戴以為君若先君子之國人可以不子之則權自下操五季末世大亂之道也

十三年公會齊侯宋公陳侯衛侯鄭伯許男曹伯于鹹

左

淮夷病杞故且謀

公無傳

穀梁兵車之會也

王室也秋為戎難

故諸侯戍周

案左氏僖十一年揚拒泉臯伊雒之戎同伐京師入王城焚東門王子帶召之也十二年王討王子帶子帶奔齊冬齊侯使管夷吾平戎于王明年春使仲孫湫聘于周且言復王子帶此言諸侯戍周亦為戎難故果如此齊桓之罪大矣夫子帶以臣伐君召戎入寇至焚掠畿甸在子帶則屬籍當絕在戎則必誅不赦乃桓公不聞出一旅助王以犯甸之戎而為之求平以伐君之賊而為之求復是黨逆抗順末世朱全忠李茂貞所為曾謂尊周攘夷者而出此乎且不伐戎于稱兵犯闕之時而戍周於戎師既退之後齊之畏戎何其甚而管仲之舉動何其愚也况果有召戎伐王之事春秋何以沒而不書彭山季氏謂左傳妄誕不足信有以也

十四年春諸侯城緣陵

左諸侯城緣陵而遷

杞焉不書其人有

闕也

杜註闕謂器用不
具城池未固而去
為患不終
正義曰不言某侯
某侯與城邢文異

公羊城杞也曷為城杞

滅也孰滅之蓋徐

莒脇之孰城之桓

公城之曷為不言

桓公城之不與諸

侯專封也

梁穀其曰諸侯散辭也

桓德衰矣

范註直曰諸侯無
小大之序是各自
欲城非伯者所能
制故曰散辭桓公
德衰所以散也

陸氏淳曰左曰有闕穀梁曰散辭皆
不知前目後凡之例故多生穿鑿爾

案左氏云淮夷病杞公羊云徐莒脇之賈逵據書序謂徐即淮夷也木訥趙氏曰淮與徐大遠于杞不啻千里之遙無病杞之理杞初國于陳留桓六年遷于淳于在今密州淮夷則在今之泗州蓋越魯而後至于此豈有越魯數百里而滅杞乎高郵孫氏亦言徐莒小國何能脇杞使遷且經無其事未可據也

高紫超氏曰左氏淮夷病杞之說考之經文無明據今案僖十二年之夏書楚人滅黃十三年之春書狄侵衛而于十四年春城緣陵疑緣陵為囂險之地係楚狄出入往來必由之道故特城以控扼之與城楚丘之意略同爾若以為遷杞則莫能探索其義矣大抵胡氏三城之說皆據傳文為斷而不考于經之前後本末故有傳義愈明而經義愈晦者

緣陵臣瓚謂即北海郡營陵縣案營陵一名營丘
即今青州府之臨淄縣乃師尚父初封之地豈有
以封杞之理其謬不待辨或云在今諸城縣界總
因左氏緣陵還杞之文而為之說耳桓六年淳于
公如曹不復杞即并其地至襄二十九年晉人城
杞之淳于是杞都淳于始終未嘗改無由中間遷
緣陵又自緣陵復遷淳于
也足知還杞之說為妄矣

夏六月季姬及鄆子遇于防使鄆子來朝

左鄆季姬來寧公怒

公內辭也非使來朝

穀遇者同謀也來朝

止之以鄆子之不

使來請已也

者來請已也朝不

朝也夏遇于防而

何註魯不防正其
女乃使要遮鄆子

言使言使非正也

使來朝

淫泆使來請已與禽獸無異

以病鄆子也

范註魯女無故遠會諸侯遂得淫通此亦事之不然左氏之說近合人情

彙纂曰胡傳謂僖公愛女使自擇配說本公穀然僖公魯之賢君聲姜又有令妻之稱豈肯聽女自

擇配如果來朝為請昏則既朝之後必有納幣逆女之事何俱不見于經耶故當專從左氏

案啖氏助力主公穀之說謂魯之淫風久行積漸成俗季姬少見文姜之行遂至于此不足為怪諸

儒自蘇子由氏而下俱力闢之而從左氏是矣然高紫超氏終以文定擇配之說為未可盡非其言

曰若如左氏之說則下文季姬歸于鄆之書為贅矣季姬歸鄆與伯姬歸紀書法一也其為出嫁之

辭非歸國之辭可知也春秋于內女之歸寧而反國者例不復書而此獨書季姬歸鄆何為乎且果曰歸寧也則去來當亦不過旬時今乃歸寧于十四年之六月而歸國于十五年之九月縱怒其不朝而止之亦當于既朝而即歸之何至羈留久遠若斯也然則于防之過其為蔓草清揚之會可知矣然而僖公一聽為之者必以此為牽絲之良姻雀屏之佳話而不以為嫌也若以季姬為已嫁之女則夫婦相會於途固屬常事而使之來朝亦閨房相勸時有之言也何與于經世之大典而書之案高氏之言亦甚辨當並存之以俟知者

方氏苞曰內女適人者繫國季姬書字而未繫諸國則女而非婦明矣及者內為志蓋使自擇配故得與鄆子遇也如左氏所傳則當書某月鄆季姬來某日及鄆子會于防使鄆子來朝若卒然相遇

不由期約則當書季姬遇鄆子于防以是知公羊所傳於經為合也明年季姬歸于鄆以始嫁之辭書則此非歸寧並曉然明矣凡內女之歸非失禮不書

索孫氏覺高氏閨趙氏與權程氏端學黃氏仲炎說皆從公羊

家氏鉉翁曰以書法觀則明年九月歸于鄆此始嫁也僖公號賢君畧無正家之法魯之不競實由此乎

葉氏夢得曰子產為鄭不能奪公孫黑之強委禽乃從徐吾犯妹之所欲以與子南其習俗有自來矣公羊以為奔則已甚擇配之說吾于子南之事微之

沙鹿崩

左
晉卜偃曰期年將

公沙鹿者何河上之

穀梁林屬于山為鹿沙

有大咎幾亡國

邑也其言崩何襲

山名也無崩道而

邑也外異不書此

崩故志之也

何以書為天下記

異也

姜氏廷善曰沙鹿山名陽平元城縣東有沙鹿土
山陽平今大名府大名去晉地遠僖公時晉猶未

至於東方左氏卜偃之言蓋屬附會後儒遂
以為晉地非也公羊為天下記異者得之

案沙鹿山名見漢書元后傳在今大名府元城縣
東四十五里公羊以為邑穀梁以鹿為山足皆妄

也

又案沙鹿即五鹿元城郭東有五鹿之墟即沙鹿地僖二十八年文公伐衛取五鹿則此時尚屬衛地

十五年己卯晦震夷伯之廟

左震夷伯之廟罪之

公晦者何冥也夷伯

穀梁晦冥也夷伯魯大

也于是展氏有隱

季氏之孚也

孚信也季

夫也天子至于士

隱焉

氏所信任臣

其稱夷伯

皆有廟天子七諸

杜註夷伯展氏之祖父夷謚伯字也

何大之也天戒之

侯五大夫三士二

孔疏公穀皆以晦為冥謂晝日間冥也杜以長歷推之是九月三十日

故大之也

何註僖公蔽于季氏季氏蔽于陪臣陪臣見信得權僭立大夫廟故天意欲去之

德厚者流光德薄

者流卑

范註明夷伯之廟過制故震之

趙氏臣曰春秋遇晦朔必書穀梁成十六年傳云事遇晦書晦何得于此獨名晦冥乎公羊云天戒之故大之豈有為天所罰翻乃書字尤為非理大夫既死不更稱名爾原仲亦是也

案劉原父曰左氏云展氏有隱隱則夷為展氏之謚非也大當繫字于氏寧有稱其謚遂舍其族之理據此則夷伯當為夷氏非展氏也若是展氏當為柳下惠惠係聖人又當其身尚在二十六年

展喜猶受命于展禽何至有隱隱為天所罰至公
羊以夷伯為季氏之信臣尤謬是時季氏尚未得
政又安有陪臣專
權僭立大夫廟乎

十七年夏滅項

左
淮之會公有諸侯

公
孰滅之齊滅之曷

穀
梁孰滅之桓公也何

之事未歸而取項

為不言齊滅之為

以不言桓公也為

齊人以為討而止

桓公諱也桓公嘗

賢者諱也

公

有繼絕存亡之功

故君子為之諱

啖子曰齊桓雖賢滅項非合義安得為之諱且春秋豈可為齊諱而使魯受惡名乎

彙纂曰左氏之說相沿已久然以城楚丘之例推之公穀以為齊滅者於理亦通蓋不書齊者蒙上伐英氏之文也與襄十年春會祖夏滅偃陽同一書法蓋會淮之後齊以淮夷之事委魯統率而自與徐人伐英滅項故僖公經畧之久至於九月乃歸爾若胡氏安國謂滅項為季孫所為案是時季友已卒子無佚早亡行父年尚幼稚然則滅項之季孫何人耶

彙纂主齊滅之說以此時季氏尚未執政爾然項係陳州府項城縣北距曹五百里齊更在曹北與魯尚近于齊似涉風馬牛無越國鄙遠之理須更參之

方氏苞曰胡氏謂經未有書外滅而不言國者如齊師滅譚是也亦未有書內取而直言魯者如取

鄆取鄆取鄆是也由此知項為魯滅無疑其辨公
穀之誤極是但以為季孫所為故不為諱滅則未
安僖公時政未下移季友子無佚早亡行父幼稚
安能擅兵而滅國蓋魯宋恃齊交之固知桓志之
哀故壯丘會罷而宋伐曹
淮之會罷而魯滅項耳

案齊之去項固遠而魯去今項城縣尚全隔歸德
一府宋實介其間勢不能越宋取項意宋襄此時
窺桓公不久將死急欲代齊霸而管仲又先殘故
壯丘會罷而宋即伐曹旋即誘魯滅項欲分罪于
魯以撓亂霸略為自己出頭地耳蓋項地居宋西
南宋此時明以項餌魯不然魯不假道于宋無由
滅項也其時季友卒而公子遂執政觀後日伐齊
入杞邀功生事為宋所誘理當有之厥後地入于
楚項氏世封于項其明証也
豈當日魯滅之而不能有歟

秋夫人姜氏會齊侯于卞 九月公至自會

左聲姜以公故會齊

公無傳

穀梁無傳

侯于卞九月公至

書曰至自會諱之

也

范註桓會不至而今致會桓公德衰威信不著陳列兵車又以滅項往會既非踰年乃反故往還皆月以危之

孫氏復曰考之于經無魯侯見執之迹春秋雖曰為內諱亦不全沒其事若齊侯實嘗執公亦當異辭以見之如公弑書薨而不地奔書孫使後人因以可考今經無其辭則左氏未可據也若夫人因救解魯侯而會齊侯聖人亦當恕之未可便加以非禮之辭經言會齊侯于卞則非禮可知矣左氏

之說恐
未可信

彙纂曰公以滅項而見止則夫人當往請于齊不
能致齊侯于魯地公為齊所止而歸則當書至自
齊以見意不必
致會以沒其實

十八年宋師及齊師戰于甌齊師敗績

左
齊人將立孝公不

公
羊曷為不使齊主之

穀
梁言及惡宋也

勝四公子之徒遂

與襄公之征齊也

與宋人戰夏五月

曷為與襄公之征

宋敗齊師于甌立

齊桓公死豎刁易

孝公而還

牙爭權不葬為是

故伐之也

李氏廉曰公羊以為善宋非也春秋凡書及者皆惡之在主人而及客則非反已息爭之道在客而及主又豈仗義執言之師乎故春秋書伐而戰者三獨宋公以客及主乃變文以深貶之也穀梁之說精矣

霞峯華氏曰宋襄之所以為此戰者其志在爭霸也而其所藉以為名者假齊桓托孤之說以納孝公也春秋不書納公子昭而但書伐齊則伐喪而已矣此誅心之法也詳宋楚爭盟表

十九年夏六月宋公曹人邾人盟于曹南 鄫子會盟

于邾已酉邾人執鄫子用之

左
宋公使邾文公用

羊公惡乎用之用之社

梁穀微國之君因邾以

鄫子於次睢之社

也蓋叩其鼻以血

求與之盟已迎而

欲以屬東夷

社也

執之惡之故謹而

書曰

何註魯本許嫁女
于邾妻季姬淫泆
使鄫子請已而許
之二國交忿襄公
為此盟欲和解之
既會反為邾妻所
欺執用鄫子恥辱
加于宋故沒襄公

不書地以邦婁深
為襄公諱使若自
就邦婁為所執

李氏庶曰左氏以為宋公使邦執之若然春秋何以不蔽罪於宋何休以為魯本許嫁季姬于邦季姬淫泆使鄫子請已以此二國致忿臨江劉氏亦信其說而考之公羊傳文本無此言不知何氏何據

家氏鉉翁曰宋襄之為人好名而畏義方其為太子以讓國聞其後與楚人戰欲以不禽二毛不鼓不成列而取仗義之名豈有同盟國君子淫昏之社無道若此者乎且春秋書法全不及宋故公穀以為非宋之罪趙氏
臣劉氏敞亦同此說

劉氏權衡曰宋使邾文公用鄫子此大妄也果爾罪乃在宋不在邾今越宋理邾是為首惡者不誅而脇從者見討也詳驗經文是邾國自為盟會鄫子往參之因見執爾非復會向者曹南之盟也若即會向者曹南之盟應但云如會不得言會盟于邾

二十四年西宮災

左無傳

公羊西宮者何小寢也

穀謂之新宮則近為

有西宮則有東宮

禰宮以謚言之則

矣知諸侯之有三

如疏之然以是為

宮也

閔宮也

何註西宮楚女所
居禮夫人居中宮
少在前右媵居西
宮左媵居東宮少
在後時僖公為齊
所脇以齊媵為適
楚女廢在西宮而
不見恤悲愁怨曠
故致災

范註閔公非僖公
之父故不言新宮
若舉謚又似疏祖
之宮故不言閔宮
而云西宮也

孫氏覺曰是僖公所居之西宮以其在西故云西
爾公羊說是也穀梁以為閔宮案僖公繼閔而立
若實閔公何妨言新宮為
其已久何妨言閔宮乎

案何休每於公羊本文之外另造事端如十四年
季姬使鄫子來朝公羊云使來請已何休遂生出

要遮淫泆又云季姬本許嫁于邾因此兩國交忿而邾人用鄆子于社八年禘于太廟用致夫人公羊云脇于齊媵女之先至者何休遂生出僖公本聘楚女為夫人後因脇于齊女而楚女廢居西宮怨曠以至此年西宮災以漫不相涉之事率合傳會可發一笑不獨此二事為然也

二十二年冬十有一月己巳朔宋公及楚人戰于泓宋

師敗績

左

宋人既成列楚人

公偏戰者曰爾此其

穀須其成列而後擊

未既濟司馬曰云

言朔何春秋辭繁

之衆敗身傷七月

云公曰云云既陳

而不殺者正也君

而死信而不道何

而後擊之宋師敗

子大其不鼓不成

以為道道之貴者

績公傷股門官殲

列臨大事而不忘

時其行勢也

焉

大禮以為雖文王

范註言宋公守匹夫之猶介未識至道

之戰亦不過此也

案春秋于此戰書曰書朔以楚之驕橫至此已極故謹而詳志之爾公羊云文王之戰不過是謬哉劉氏敞亦云忠厚有德之用心雖師敗國削猶非其恥而以穀梁之說為悖者愚不解其何意

二十五年宋殺其大夫

左無傳

公何以不名宋三世

穀其不稱名姓以其

無大夫三世內娶

在祖之位尊之也

也

何註三世為慈父
王臣處曰也內娶
大夫女也禮不臣
妻之父母國內皆
臣無娶道故絕去
大夫名以正其義

范註孔子之祖孔
父死宋殤公之難
今骨肉在其位而
見殺故尊之不忍
稱名氏

劉氏敞曰公羊以為三世無大夫三世內娶案經
現書大夫則非無大夫明矣且君娶一卿而一國
之內何得悉無大夫哉說解不經乃至于此穀梁
曰以其在祖之位尊之春秋非孔氏家牒何得擅
諱其祖名

孫氏覺曰不書
名簡失之爾

案公穀之妄不待言何休更謂禮不臣妻之父母
此出何經典聞天子有不臣父之文未聞不臣妻
之父也此見漢世尊崇
后族遂妄造此語爾

二十六年齊人侵我西鄙公追齊師至鄆弗及

左

討是二盟也

謂洮向二盟

公其言至鄆弗及何

穀

梁侵曰人追曰師以

侈也

公之弗及大之也

胡傳凡書追者在境內則譏其無備追戎于濟西
是也在境外則譏其深入追齊師至鄆是也鄆齊
地

彙纂曰侵書人追書師穀梁謂以公之弗及大之
蓋謂弗及為怯故大齊師以諱其怯即劉氏敵所
謂為公之弗敢及張之公羊以至鄒為侈意亦如
此非如孔疏所云燬文以美公能逐齊師也至胡
傳謂齊為諛以為前書人見其弱以誘魯後書師
是伏其衆以邀魯果爾則城濮柏舉二役俱戰書
楚人敗書楚師豈亦楚為諛以誘晉與吳耶惟孫
氏復蘇氏輟謂不可言公追齊人故曰師似為近
理

案至鄒弗及胡傳深入之說為較得聖人之意魯
以小國而敢與齊大國為仇乞哀于楚遠交近攻
窮追深入見公之不量力而躡武召外夷而陵諸
夏可恥之甚下連書如楚乞師以楚師伐齊取穀
會諸侯盟于宋公子買戍衛仗楚之力惟命是聽
合與國而與齊宋為難使非晉文之與齊宋又將

折而入於楚周室之不止幾希矣蓋自齊侯小白卒至晉侯侵曹伐衛統計歷十有二年中間連書數十事著楚顧暴橫諸夏瀾倒見晉文之一戰而霸為萬萬不可已或乃以復怨為晉文咎豈非信傳不信經之過哉

二十八年春晉侯侵曹晉侯伐衛公子買戍衛不卒戍刺之楚人救衛

左
晉侯將伐曹假道

公曷為再言晉侯非

穀再稱晉侯忌也

于衛衛人弗許還

兩之也何以不言

范註曹衛並有宿怨于晉君子不念

自南河濟侵曹伐

遂未侵曹也其言

舊惡故再稱晉侯以刺之

衛取五鹿公子買

侵曹何致其意也

戍衛楚人救衛不

晉侯將侵曹假塗

克公懼晉殺子叢

于衛衛曰不可得

以說焉謂楚人曰

則固將伐之也

不卒戍也

趙氏匡曰公羊云致其意聖人不逆詐豈未行其事而先致其意乎穀梁曰惡也凡書侵伐皆罪之何得再方為惡乎

家氏鉉翁曰楚攻宋不已勢將并兼文公首以救宋為事春秋不問事而重舉晉侯所謂言之不足

而重言之謂其先天下
之所難慰諸侯之望爾

案侵曹伐衛胡氏以為譏復怨朱子又謂伐衛致
楚為譎皆非也曹衛以諸姬且又北方大國非如
陳蔡弱小密邇于楚者而相率從楚為之羽翼此
門庭之寇勢不得不先除何得以復怨譏之哉且
其時陳蔡鄭許從楚圍宋矣曹衛又即楚魯又乞
師於楚伐齊鄭未即楚者獨晉與齊宋而齊宋方有
倒懸之急晉欲救宋則恐曹衛之譏文定又以書楚人救
者用師義當先討安得為譎文定又以書楚人救
衛為予楚而譏晉尤非也唐用兵討吳元濟而王
承宗李師道救之豈得謂予其當救哉書楚人救
衛益著衛從楚之罪書公子
買戍衛益見公黨楚之非

三十一年夏四月四卜郊不從乃免牲猶三望

左

猶三望非禮也望

公羊

三望者何望祭也

穀梁

猶者可以已之辭

郊之細也不郊亦

無望可也

杜註三望分野之
里國中山川皆郊
祀望而祭之

曷祭祭泰山河海

山川有能潤于百

里者天子秩而祭

之觸石而出膚寸

而合不崇朝而徧

雨乎天下者唯泰

山爾河海潤于千

也

范註鄭君曰望者
祭山川之名謂海
也岱也淮也非其
疆界則不祭禹貢
曰海岱及淮惟徐
州徐魯地

里

張氏洽曰鄭杜恐臆說蓋天子四望魯比天子闕其一故三望書曰猶言不當望而望祭也如使魯望不出境何為言猶以譏之公羊之說必有所傳

汪氏克寬曰周官四望蓋望四方今魯三望蓋泰山在魯西海在魯東河在魯北也

廬陵李氏曰三望之異同左氏以為分野星及封內山川公羊以為泰山河海穀梁以為海岱淮據三家皆不以三望為非禮止譏其舍郊而望此已失之况望乃祭山川之名何得以為分野之星若三望為魯之封內魯所得祭則常事不書矣胡氏獨取公羊為得之泰山魯所得祀河海非魯封內也故不當祀猶者可已之辭

春秋大事表卷四十二之二

欽定四庫全書

春秋大事表卷四十二之三

國子監司業顧棟高撰

文公

二年春王二月丁丑作僖公主

左

書不時也 凡君

公主者曷用虞主用

穀立主喪主于虞吉

薨卒哭而祔祔而

桑練主用粟用粟

主于練作僖公主

作主特祀于主烝

者藏主也作僖公

譏其後也作主壞

嘗禘于廟

杜註諸侯以上反
虞則免喪故曰卒
哭尸柩已遠孝子
造木主立几筵焉
特用喪禮祀之于
寢三年喪終則遷
入于廟
正義曰三年喪畢
致新死者之主于
廟廟之遠主當遷
入祧于是乃大祭
于太廟以審定昭
穆謂之禘

主何以書譏何譏

爾不時也

何註禮作練主當
以十三月

廟有時日于練焉

壞廟壞廟之道易

檐可也改塗可也

楊士勛疏作主在

十三月壞廟在三

年喪終傳以事相

繼故連言之非謂

作主壞廟同時也

案此後世祔廟除几筵之所以不一其說也左氏則以三年為斷穀梁則以練為斷而儀禮士虞禮記云卒哭明日以其班祔鄭康成注祔已主反于寢鄭蓋據左氏之說以釋儀禮而非儀禮之本文也至檀弓云殷練而祔周卒哭而祔孔子善殷蓋亦以周祔太蚤急於神其親則儀禮之云祔蓋即以卒哭之明日入主于廟矣殷練而祔即穀梁之說也賈公彥疏儀禮又云惟祔與練祭在廟祭訖主反于寢其大祥與禫祭其主自然在寢祭之楊士勛疏穀梁亦云作主壞廟不同時蓋俱以左氏三年之說為是故為勉強遷就其說而均于本文未順總之祔有三說謂卒哭而祔者儀禮明日以其班祔是也謂練而祔者穀梁于練壞廟是也謂三年而祔者左氏喪畢吉禭是也陸象山居母喪欲卒哭而祔除几筵其兄子壽疑之皆以書來問朱子朱子告以儀禮註祔已主反于寢象山謂非

經之本文不足據信朱子痛闕之以為無論古禮但今卒哭之後便除靈席孝子之心豈能自安後儒多疑朱子謂喪事即遠有進而無退既祔廟而復反寢特出鄭氏之笏說朱子乃棄經而信注可乎朱子又謂穀梁但言壞舊廟而不言遷新主安知其非于練而遷舊主于三年而納新主耶又謂祔與遷自是兩事祔者祔于所當入之祖廟并祭其祖是祖孫同廟而享至喪畢祖遷于高祖廟高祖藏于夾室然後奉新死者之主入廟穀梁謂壞廟易檐改塗正是祔以後遷以前之事此更融左穀之說而一之與楊疏亦大同小異以明卒哭而祔之必不可也汪氏克寬謂卒哭而遷廟遽用吉祭非人情故文定取穀梁之說家禮則告祔于卒哭而祔廟于大祥于儀禮左氏蓋兩從焉開元政和二禮卒哭未後不祔廟至三年禫後始祔自唐宋以後未之有易矣

三年夏五月王子虎卒

左

來赴弔如同盟禮

公羊外大夫不卒此何

穀梁叔服也何以卒之

也

以卒新使乎我也

以其嘗執重以守

杜註王子虎與僖
公同盟于翟泉文
公是同盟之子故
赴以名

何註王子虎即叔
服新為王者使來
會葬

也

范註僖二十四年
天王出居于鄭叔
服執重任以守國

趙氏匡曰臣無外交之禮今死而赴
故書以譏左傳曰禮非春秋之意

陳氏傅良曰公穀
以為叔服非是

家氏鉉翁曰周綱既替王臣外文死無不赴者春秋皆削不書獨書王子虎賢也自晉文之霸辭命多出於虎嚴重有法得訓誥諸侯之體蓋王臣之賢有德者穀梁之說得之公羊以為當會葬私矣

雨蝻于宋

左隊而死也

公羊雨蝻者何死而墜

穀梁災甚也其甚奈何

也

茅茨盡矣

王氏樵曰蝻非上墜之物來多而墜故書雨見災甚耳既為災則非墜而死矣左氏因雨字而生說耳

徐邈云禾稼既盡又食屋之茅茨驗當有之

案果如左公羊之說則是蚤不為
災矣春秋何用書乎故當從穀梁

四年夏逆婦姜于齊

左

卿不行非禮也君

公羊其謂之逆婦姜于

穀梁其曰婦姜為其禮

子是以知出姜之

齊何娶乎大夫者

成乎齊也親逆而

不允于魯也

畧之也

稱婦何其速婦之

也其不言公何也

非成禮於齊也其

不言氏何也夫人

與有貶也

范註夫人能以禮
自防則夫婦之禮
不成于齊

景纂曰納幣卿行則逆婦必非微者蓋文公自行
也聖人惡其成禮于齊故沒公不書以示貶穀梁
得之而左氏非也公羊以為娶于大夫則失之遠
矣先儒識喪娶亦可兼用蓋圖昏于喪服而成禮
於婦家所謂失禮
之中又失禮也

程氏端學曰春秋稱婦姜者三宣元年遂以夫人
婦姜至自齊成十四年僑如以夫人婦姜氏至自
齊皆以婦言之豈皆先成禮者哉蓋稱
婦者有姑之辭非以成禮而稱婦也

案積齋之辨甚明曉彙纂斥左氏而從穀梁非也
從古人君無就婚贅壻之理此乃委巷之談烏得
以穀梁為是哉先儒又謂出姜不書至為文公禪
制未終思念娶事方逆而已成為婦未至而如在
國中此因婦之一字遂併其不書至亦委曲以成
文公之罪此真所謂憑空捏造也然則左氏之說
得歟曰亦非也逆者安知其非卿則常事不書春
秋書之者為十八年夫人歸于齊立案也婦者有
姑之稱書逆婦姜以明其為嫡夫人非敬嬴之所
得比也春秋因末以原其本特書之以正襄仲及
敬嬴之罪先儒又謂不稱夫人不可為小君奉宗
廟其說正相反如此則聖人乃是為襄仲出脫是
與于亂賊之甚
豈有此理哉

方氏苞曰微者逆故不以名見不以夫人之禮致
於廟故不書至蓋宣公之立也長此時敬嬴仲遂

之邪謀已萌文公昏懦不能察是
即他日子弑夫人大歸之兆端

七年宋公王臣卒宋人殺其大夫

左宋成公卒昭公將

公羊何以不名宋三世

穀梁稱人以殺誅有罪

去羣公子穆襄之

無大夫三世內娶

也

族率國人以攻公

也

殺公孫固公孫鄭

于公宮不稱名衆

也且言非其罪也

趙氏匡曰若以殺大夫衆而不書名則晉殺三郤鄭盜殺大夫何又悉書乎若實殺有罪何不書死者之名左公羊之說皆非也

吳氏澂曰宋人者非一人也見國亂無政而臣庶得以擅殺大夫也

九年冬楚子使椒來聘

椒殺梁作菽

左傳無關經義故不

公羊楚無大夫此何以

殺梁楚無大夫其曰菽

錄

書始有大夫也何

何也以其來我褒

以不氏許夷狄者

之也

不一而足也

陸氏淳曰公羊云許夷狄案例凡未命之卿來魯皆書名無他義又文公已前不書楚大夫者使命未通耳有何許之乎穀梁云以其來我褒之聖人設教豈以來我則褒之

案是時秦楚交病列國以魯為周公之後故俱來通好以為遠交近攻之計楚欲圖北方而來聘秦欲伐晉而歸禮其情一也聖人書之以志夷狄之窺伺霸業之中哀若以為慕義而予之商臣負滔天之惡豈區區一聘遂可云與其潔不保其往乎

秦人來歸僖公成風之襚

左禮也諸侯相弔賀

羊公

其言僖公成風何

穀梁

秦人弗夫人之也

也雖不當事苟有

兼之兼之非禮也

即外之弗夫人而

禮焉書之以無忘

曷為不言及成風

見正焉

舊好

成風尊也

范註言秦人弗以成風為夫人故不言夫人用見不以妾為妻之正

趙氏直曰春秋之作以為經國大訓一字之義勸戒存焉若但以無忘舊好則書恐非聖人之訓
啖氏助曰僖公成風與惠公仲子何殊公羊曰兩人誤也

案穀梁之說諸儒多從之以為僖公以妾母稱夫人天子不能正而秦人能之故書法云云愚謂此義亦甚迂僻豈聖人欲正嫡妾之分必借秦人以立義且秦之弗以成風為夫人于何而見也善乎
文定之言曰寵愛仲子以妾為妻者惠公也故書惠公仲子所以正後世為人夫者不可亂嫡妾之

分以卑其身尊崇風氏立為夫人者僖公也故書
僖公成風所以正後世為人子者不可行僭亂之
禮以賤其父其
義大而精矣

十二年春王正月邾伯來奔

邾公作盛

左邾太子朱儒自安

公

盛伯者何失地之

穀梁無傳

于夫鍾邑國人不

君也何以不名兄

徇

順也

邾伯卒邾人

弟辭也

立君太子以夫鍾

何註前為魯所滅今來見歸猶當加意厚遇之

與邾邾來奔公以

疏云莊八年師及

諸侯逆之故書曰

齊師圍成成降于
齊師成即盛也

邲伯來奔不書地

尊諸侯也

杜註既尊以為諸
侯故不可以竊邑
之罪加之

趙氏圭曰諸侯嗣位未踰年稱子豈有君父病而
不視死而不喪身未即位以邑出奔而稱邲伯且
鄭忽曹羈莒展皆已即位及其出奔猶但稱名况
未嗣位乎左氏之說非也失地之君例書名若以
兄弟之國不名曹伯陽衛侯衎
何以書乎公羊之說亦非也

劉氏敞曰魯但以諸侯逆之便謂之邾伯春秋遂
沒其專土叛君之罪反謂之諸侯而尊之何以稱
不登叛人哉意者先邾伯以去年卒太子即位而
不能自安遂出奔以其即位日淺或謂之太子而
左氏則誤以為太子出奔也

杞伯來朝二月庚子子叔姬卒

左始朝公也且請絕

公此未適人何以卒

穀梁其曰子叔姬貴也

叔姬而無絕昏公

許嫁矣婦人許嫁

公之母姊妹也

許之二月叔姬卒

字而笄之死則以

不言杞絕也書叔

成人之喪治之其

姬言非女也

稱子何貴也母弟也

啖氏助曰左氏此傳大誤當在成八年杞叔姬卒之下誤置此爾蓋當時有杞伯請無絕昏之語而作傳者見此年有杞伯來朝又有子叔姬卒遂妄置於此而更加請絕叔姬四字以牽合之其實此年來朝與子叔姬卒自是兩事初不相關也成公時叔姬自杞來歸此是別一叔姬六年七年中杞曾使使來請無絕昏故八年杞叔姬自是魯女未嫁者來逆其喪以歸若此年子叔姬自是魯女未嫁者爾與伯姬卒同義無他說也

案左氏于叔姬前後事多牽合因此年來朝與子叔姬卒相連遂以叔姬為伯姬所求之婦以不繫

杞為出而見絕又以成八年書卒之叔姬即杞桓
所請續為昏者夫八年之叔姬係五年來歸見于
經文為杞所出確有明據乃以一事分作兩事遂
以杞為兩出魯女又以兩事聯作一事以兩女係
姊妹世豈有絕一姬復請一姬逮後姬續昏矣又
復出之至其喪而請之杞小國何肆無忌憚乃爾

魯又懦弱惟命是聽耶其誣妄甚矣當以
公穀許嫁之說為是另有論附凶禮後

啖氏又曰穀梁云稱子者公之母姊妹案經
文稱子明是時君之子乃云姊妹有何理哉

十三年世室屋壞

世左穀作
大音泰

左秋七月大室之屋

公魯公之廟也周公

穀梁

太室猶世室也為

壞書不共也

稱大廟魯公稱世

社稷之主而先君

杜註太廟之室

室群公稱宮何以

之廟壞志不敬也

書譏久不修也

吳氏澂曰左穀誤世為太穀梁謂太室猶世室以
為伯禽廟字雖誤而義與公羊同杜氏以為太廟
之室夫廟制中央一室謂之太室豈太廟之中前
堂後寢左右夾室東西二廂皆不壞而唯中間一
室獨壞也于
義有不通矣

十四年晉人納捷菑于邾弗克納

捷公羊作接

左晉趙盾以諸侯之

公羊晉卻缺帥師革車

穀梁是卻克也其曰人

師八百乘納捷菑

八百乘以納接菑

何微之也長穀五

于邾邾人辭曰齊
出糴且長宣子曰
辭順而弗從不祥
乃還

于邾婁力沛若有
餘邾婁人曰糴且
也長卻缺引師而
去之故君子大其
弗克納也其稱人
何貶不與大夫專
廢置君也曷為不
與實與而文不與

百乘縣地千里負
入人之國欲變其
主至城下然後知
何知之晚也未伐
而曰弗克納何也
弗克其義也

趙氏圭曰若實用諸侯師經不合不書公羊云大之此乃譏其不量事而勞師爾聞義能止差可補過何足大之哉又云不與大夫專廢置君縱令諸侯豈得專廢置何但大夫此乃譏辭非實與而文也不與也

彙纂曰經書弗克納者善之書人者貶之大夫興兵以廢置諸侯奉不正以奪正雖見義而徒不得無罪故穀梁責其知之晚而劉氏敞以為不免于貶也公羊雖以為貶而實與而文不與之說不可訓以

趙氏鵬飛曰是時盾之意在晉而不在邾使克邾而失晉則為盾之損多矣盾之為此蓋欲釣反義之名聖人照見其真情竊君子之名而文小人之計故特書曰晉人公羊乃以為卻缺于時晉權在

盾使卻缺在行則亦盾意耳左氏事實為詳且先於二傳當從左氏

冬單伯如齊齊人執單伯齊人執子叔姬

左襄仲使告于王請

公不稱行人而執以

穀私罪也單伯淫于

以王寵求昭姬于

已執也單伯之罪

齊齊人執之齊人

齊曰殺其子焉用

何道淫也淫乎子

執子叔姬叔姬同

其母請受而罪之

叔姬然則曷為不

罪也

冬單伯如齊請子

言齊人執單伯及

疏曰單伯是天子

叔姬齊人執之又

子叔姬內辭也使

命大夫魯遣送叔姬未至而與之淫王則聞于取人魯

執子叔姬

若異罪然

何註深諱之使若
各以他事見執

則失於遣使故經
不書叔姬歸于齊
再舉齊執之文使
若異罪然所以為
諱也

劉氏敞曰若單伯為周大夫何以明年書單伯至
自齊乎公羊曰道淫齊舍未踰年魯人豈以女子
之縱令世哀多居喪而娶者春秋猶當書子叔姬
歸于齊穀梁曰私罪何不用陳袁濤塗鄭祭仲例
以解齊人乎

彙纂曰左氏因周有單子遂疑單伯為王臣公羊
因單伯不稱行人疑為已罪又因經文執單伯與
執子叔姬相連遂疑為道淫穀梁亦謂單伯私罪
子叔姬同罪二傳之誣罔較左氏為尤甚使叔姬

蒙不白之冤
豈可訓哉

趙氏鵬飛曰聖人再書齊人不曰執單伯及子叔
姬嫌於淫也公穀反以淫目之不達經文安疵人
爾

十五年三月宋司馬華孫來盟

左
宋華耦來盟其官

公無傳

穀
梁司馬官也其以官

皆從之書曰宋司

馬華孫貴之也

稱無君之辭也

案孫氏覺謂昭公聞亂國事廢弛大臣外奔耦懼鄰國因間以謀其國于是請來盟以結好而紓難聖人善其憂國而舉職故稱其官而不書使見其合於事宜能其官也與屈完高子來盟同一書法張氏洽趙氏鵬飛俱從之彙纂亦主其說而駁胡傳愚謂胡傳未可盡非也案八年書宋人殺其大夫司馬左氏云大司馬公子卬昭公之黨握節以死則此司馬華孫為公子鮑之黨可知矣明年書宋人弑其君晉衛陳鄭同與師致討而魯不與則此來盟為結援求免可知矣始也削其君之左右而大樹私人今也謀動于大惡而先求援列國則此盟之為專行無上不顯然乎不書使者明非昭公之意而公子鮑之意也與屈完高子正自美惡不嫌同辭

齊氏履謙曰特書其官見其為夫人之黨殺公子卬而代之位者家氏鉉翁謂耦實子鮑之私人使

之歷使諸侯豫自結以免討與愚意合

十六年秋八月辛未夫人姜氏薨毀泉臺

左有蛇自泉宮出如

公羊泉臺者郎臺也未

殺梁喪不貳事貳事緩

先君之數秋八月

成為郎臺既成為

喪也以文為多失

辛未聲姜薨毀

泉臺何以書譏何

道矣

泉臺

譏爾先祖為之已

杜註以為蛇妖所出而聲姜薨故壞

毀之不如勿居而

之

正義云蛇自宮出

已矣

而毀其臺則臺在
宮內人見從宮而
出毀臺并毀其宮
也

何註即莊公三十
一年所築臺於郎
者譏臨民之漱浣
解云以漱浣與泉
臺之義合明此臺
之近泉也

案左傳註疏則泉宮當為聲姜所居如東宮西宮
之屬在魯宮闈之內因姜氏薨而毀臺劉氏敞謂
迷民以恠者是已公羊郎臺之說鑿空何休
以意牽合甚屬費解另有論附凶禮表後
黃氏仲炎曰申繻有言妖由人興人無釁焉妖不
自作文公不知修德弭災乃歸咎于土木之無知
而毀之非勝
不祥之道也

宣公

元年三月遂以夫人婦姜至自齊

左

尊夫人也

杜遂不言公子替其尊稱所以成小君之尊

公

夫人何以不稱姜

穀

梁其不言氏喪未畢

氏貶曷為貶譏喪娶也曷為貶夫人

故略之也其曰婦緣姑言之之辭也

夫人與公一體也

服氏虔曰宣公既以喪娶夫人從亦非禮故不稱氏見略賤之也

啖氏助曰不稱公子夫人何以尊乎左氏不知有一事再見者第書名從省文之義故妄說爾

案夫人不稱氏公穀俱以為貶夫人胡氏亦因之遂有夫人知惡無禮如野有死麕則可免之說固

哉此見也孔氏穎達曰女之出嫁事由父母從夫喪娶父母之咎豈可貶責夫人此豈是宣公淫掠而欲令齊女守貞乎斯論最快

趙氏鵬飛曰書婦姜誅敬嬴也婦者有姑之稱姜氏既絕而歸齊婦安得姑書婦姜所以見妾母專政著敬嬴之欲速以姑自居也

黃氏仲炎曰宣之遂猶桓之翬也或曰譏喪娶或曰譏不親迎其猶放飯流歎而問無齒決者乎

二年宋華元帥師及鄭公子歸生帥師戰于大棘宋師敗績獲宋華元

左將戰華元殺羊食

公無傳

穀梁獲者不與之辭也

士其御羊斟不與
及戰曰疇昔之羊
子為政今日之事
我為政與入鄭師
故敗

言盡其衆以救其
將也以三軍敵華
元華元雖獲不病
矣

范註先言敗績而
後言獲知華元得
衆心

陸氏淳曰軍士猶饗之况其御乎御既寡且親近
必無不與左氏不可從也又言答城者之謳皆近
誣穀梁言盡其衆以救其將此但緣師先敗績身
乃見獲依次第書之有何褒貶乎晉侯夷吾之見

獲自為馬陷濘中師實不敗
各依事實而言無煩曲說

四年公及齊侯平莒及郯莒人不肯公伐莒取向

左
非禮也平國以禮

公

其言不肯何辭取

穀

及者內為志焉爾

不以亂伐而不治

向也

伐猶可取向甚矣

亂也以亂平亂何

何註為公取向作
辭也

伐莒義兵也取向

治之有

非也

陸氏淳曰聖人設教豈為魯欲取向妄加莒事穀
梁云弗肯者可以肯也案書不肯者明莒非以他

事見伐且
譏公爾

六年春晉趙盾衛孫免侵陳

左陳即楚故也

公趙盾弑君此其復

穀其不言帥師何也

見何親弑其君者

不正其敗前事也

趙穿也

劉氏敞曰公羊之問意欲發盾非弑君而不知非也弑君復見者寧止盾宋萬復見亦非弑君乎穀梁謂不言帥師不正其敗前事亦非也將卑師少稱將此通例耳

八年冬十月己丑葬我小君敬嬴

公穀作
頃熊

雨不克葬庚

寅日中而克葬

左雨不克葬禮也禮

公羊頃熊者何宣公之

穀梁葬既有日不為雨

卜葬先遠日辟不

母也而者何難也

止禮也雨不克葬

懷也

喪不以制也

汪氏克寬曰穀梁識不克葬而左氏以為得禮近世名儒亦有講于此者謂雨而無害于力役雖葬可也其或天變駭異雨甚水至不可以即土汲汲焉葬反為不可追之悔則左氏之說亦未為非然二者在子孫之誠敬何如爾夫國君之葬宜無所不備以雨故不克葬則無備可知謂之無貶不可也

程氏端學曰劉氏故有慎終追遠人情不忍遽之論引雨霑服失容則廢朝會以為証又謂潦車載

簣笠特未葬遇雨之用然既至墓所亦常有覆簣之屋若今草舍之為豈得忽然不顧使雨水泥潦污溼所穿之墻哉特禮經偶不載此耳且春秋不書常事劉氏嘗自言之使不克葬為得宜則春秋不書矣若胡氏謂敬嬴逆天理而大雨不克葬為咎微夫兩者四時常有之物非若震雷疾風之為天變也據經但言雨不克葬是當責人事之未備不敢遽謂天道之變常也

彙纂曰雨不克葬當從穀梁喪不以制之說左氏之說非也

九年秋取根牟

左言易也

杜註根牟東夷國

公邾婁之邑也曷為

穀無傳

不繫乎邾婁諱亟

楊士勛疏居母之喪繼非邾邑豈容

也

何註時屬有小君之喪

無諱當如左傳以根牟為國名

案魯自中葉以後凡取邑皆不書不以取邑為重也故取鄆取邾皆國名况邾在魯南而根牟在魯東北邾小國邑豈能到此至趙氏木訥謂伐莒取根牟皆齊事但中間隔一秋字耳尤謬昭八年蒐於紅自根牟至于商衛革車千乘明是魯地何得言齊取乎

陳殺其大夫洩冶

左陳靈公與孔寧儀

公無傳

穀梁稱國以殺其大夫

行父通于夏姬皆

殺無罪也

衷其袒服以戲于

朝洩治諫公告二

子二子請殺之公

弗禁遂殺洩治孔

子曰詩云民之多

辟無自立辟其洩

治之謂乎

案洩治以直諫死而杜氏承左傳之說言不為春秋所貴胡傳亦謂治雖效忠猶在宋子哀魯叔肝

之後仕昏亂之朝異姓宜如子哀潔身而去貴戚則不食其祿如叔肝焉可果爾則龍逢比干為沽直以取禍矣豈所以垂世立訓為此說者皆由執書名之例誤之也彙纂曰禮諸侯不生名死則名之諸侯死猶名則大夫死而名之宜矣子哀之奔未嘗死也季友仲遂叔肝之卒雖賢姦不同而生而賜氏不可以為例朱子釋危邦不入謂仕危邦者無可去之義在外則不入可耳洩冶為陳之臣食陳之祿以死生爭之而不悔此正盡道而死而乃傳會牽強鍛鍊周內是使鄙夫藉口率天下而為頑鈍無恥也左氏所載孔子引詩黃氏仲炎以為非孔子之言其見卓矣今故以穀梁殺無罪之說為主

方氏苞曰胡氏謂洩冶書名在子哀叔肝之後益誤矣叔氏也肝名也子哀亦名也春秋無書字之

法

十年春公如齊公至自齊齊人歸我濟西田

左齊侯以我服故歸

公齊已取之矣其言

穀不言來公如齊受

濟西之田

我何未絕於我也

之也

齊已言取之矣其

實未之齊也

趙氏注曰已取之又言未絕公羊何迂誕之甚言
我者為濟水長不必盡是魯田以別他爾穀梁言
如齊受之案但言歸我則足知其來也省
文爾哀八年歸謹及闡豈是公受之乎

齊崔氏出奔衛

左

齊惠公卒崔杼有

羊公

其稱崔氏何貶曷

穀

氏者舉族而出之

寵於惠公高國畏

為貶譏世卿世卿

之辭也

其偏也公卒而逐

非禮也

之奔衛書曰崔氏

非其罪也且告以

族不以名

胡傳書曰崔氏以族奔也許翰以為崔杼出而能反反而能弑者以其宗彊于此舉氏辨之早也其

說得

景纂曰三傳及胡氏各執一說其理皆可通愚案穀梁之說最謬左氏亦未得大凡稱氏者亦只一人春秋時有此稱呼名號非謂舉族也如隱三年書尹氏卒豈謂舉族皆死乎詩稱尹氏太師豈舉族皆為太師乎大抵彊家而為世所指名則稱氏如晉韓氏趙氏之類當日崔宗強高國惡之故赴告特曰放某氏于衛魯史亦順而書之耳亦非能舉族盡出之也使舉族出之則當其入高國見在何又聽其舉族復入乎約略是崔杼之祖父不必定其為何人也左氏以為崔杼攷崔杼弑君去此凡五十一年則趙氏鵬飛駁之為是且既曰崔杼矣弑君之賊何足矜憫而于其出特書崔氏以明其非罪乎左氏泥于稱名不稱名之說故多此謬解

家氏鉉翁曰春秋繼齊惠之死書崔氏出奔誅高國也君肉未寒而逐君之黨併及其族惠死而齊人棄崔氏宣歿而魯人逐歸父皆志其無君不為崔氏與歸父書也似更得之

十一年冬十月楚人殺陳夏徵舒丁亥楚子入陳納公

孫寧儀行父于陳

左書有禮也

公羊此楚子也其稱人

穀梁此入而殺也其不

何貶曷為貶不與

言入何也外徵舒

外討也曷為不與

于陳也

諸侯之義不得專

討也

啖氏助曰若以納亂臣為有禮孰為非禮穀梁謂不言入外徵舒于陳索經文皆依先後次第而書耳何煩妄為異說徵舒弑君之賊其罪自顯何須外之凡稱日以隔文者以明先後其例甚多劉氏敞曰公羊以楚子稱人為貶非也此猶之罪人殺陳佗言人人之所得殺耳且外討弑君之罪有何不得乎穀梁言外徵舒于陳尤非也春秋係記事之書先殺而後入皆其實錄豈紛紛然更易古事以便私意哉

十五年六月癸卯晉師滅赤狄潞氏以潞子嬰兒歸

左
六月癸卯晉荀林羊潞何以稱子潞子梁穀梁滅國有三術中國

父敗赤狄于曲梁

之為善也躬足以

謹日卑國月夷狄

辛亥滅潞

亡爾

不日其日潞子賢也

案春秋所以書此者著晉之暴且譏其棄宋不救忘中國而事外夷逐利忘義為世戒爾至潞子之善何足褒哉其稱子爵自當子爾公羊泥于稱爵為褒之說穀梁專以日月生例遂以為賢而進之可笑殊甚本不足辨舉此以例其餘爾

初稅畝

左非禮也穀出不過

公譏始履畝而稅也

穀古者什一藉而不

藉以豐財也

古者什一而藉

稅初稅畝非正也

非公之去公田而

履畝什取一也

霞峯華氏曰稅畝之說據左氏云穀出不過藉藉借也所借民力以耕之公田也公田藉民力以耕雖出穀以供而不稅然則稅者稅其名曰藉不名曰稅故曰古者助而不稅也言什一者天下之中正也言什一而藉不言稅藉非稅也言什一者天下之中正也言什一而藉不言稅藉非稅也言什一者天下之中正也言什一而履畝而稅非什一也穀梁云非公之去公田而履畝什取一也去公田而履畝為稅其私田又斷可知也朱子所以取杜氏之說蓋據三傳之文合之孟子助而不稅之說為確而有徵

矣

案彙纂曰稅畝之說公穀皆以為稅而取一但廢古之助法爾杜氏預以為既取其公田又稅其私田什之一則為什而取二胡傳主公穀而朱子從杜氏震峯華氏謂三傳本合一公穀云稅畝即稅其私田之什一公穀之說原不殊于什二之說也大快大快

十六年成周宣榭火

榭公作謝火公穀作災

左人火曰火天火曰

公宣謝者何宣宮之

穀周災不志也其曰

災

謝也何言乎成周

宣榭何也以樂器

杜註宣榭講武屋別在洛陽者

宣謝災樂器藏焉

之所藏目之也

孔疏楚語云先王之為臺榭也榭不過講軍實知榭是講武屋也

爾

彙纂曰公羊以宣榭為宣宮之榭夫宣廟即或未毀何不在京師而在成周胡傳以廟制似榭故謂之榭亦非也爾雅所紀廟寢臺榭規模判然不同何得混而一之乎二傳又謂樂器存焉尤非也榭既無室何以藏樂器惟杜氏預以為講武屋而周氏穎達引楚語以証之此為不易之論成周為周之東都吉日車攻咏宣王無疑武之盛則宣榭之為宣王無疑矣

成公

元年三月作丘甲

左為齊難故

公羊何以書譏始丘使

穀梁作為也丘為甲也

也

夫甲非人人之所

能為丘作甲非正

何註甲鎧也譏始
使丘民作鎧也四
民不相蕪然後財
用足

也

胡氏寧曰成公以前甸賦車一乘每乘七十二人
甲士三人凡二十五人為一甲是四丘共出三甲
爾今作丘甲即一丘出一甲其于賦增三
分之一也杜征南最號知兵註此亦誤

家氏鉉翁曰丘甲之說三傳不同公穀謂課丘民
自為甲固未得經意杜氏謂使一丘出一甸之甲
加四倍之歛亦不至若是之甚考周禮及司馬法
四丘為甸共出甲士三人步卒七十二人今作丘

甲云者每丘出一甲一甸出四甲而古兵制始壞于此矣

張氏洽曰每一甲士統二十四人必無增甲士而不增步卒之理

案如張氏之說則一丘之中平增二十五人一甸之中凡百人為兵矣趙氏鵬飛則謂止增甲士丘出甸之甲士三人而不增步卒之數蓋欲精悍多而冗卒少必于取勝明年鞏之戰果大敗齊師首增甲士亂先王之制故聖人書曰作譏作俑也如此說則甸出長轂四乘甲士十二人而步卒七十人如故一甸之中止平增甲士九人其說甚創又古者兵制每乘七十二人蓋左右及後各二十四合成七十二之數今四分之每乘止得步卒十八人行陳步伍俱須改易未知有此理否姑存以備考

黃氏仲炎曰丘出甸賦則什賦三四矣何至哀公時曰二吾猶不足曰魯為伐齊故作丘甲一時暴民非必以為常也惟初稅畝用田賦為常制爾

秋王師敗績于茅戎

公穀作
賀戎

左秋王師來告敗

公羊孰敗之蓋晉敗之

穀梁不言戰莫之敢敵

或曰賀戎敗之然則曷為不言晉敗之王者無敵莫敢當也

也為尊者諱敵不諱敗為親者諱敗不諱敵尊尊親親之義也然則孰敗

之晉也

家氏鉉翁曰穀梁為尊者諱敵不諱敗此義正矣但公穀皆以為晉敗王師則無是也

啖子曰若晉敗王師而改曰
賀戎是掩惡也如何懲勸乎

方氏苞曰鄭伯敗王不書此何以書戎
敗王師猶可言也諸侯敗王不可言也

三年二月甲子新宮災三日哭

左無傳

杜註書三日哭善
得禮宗廟親之神
靈所居而過災故
哀而哭之

公新宮者何宣公之

穀梁

新宮者禰宮也三

宮也曷為謂之新

日哭哀也迫近不

宮不忍言也其言

敢稱謚恭也其辭

三日哭何廟災三

恭且哀以成公為

日哭禮也

無譏矣

家氏鉉翁曰公穀皆以為得禮惟常山劉氏以主未遷入不當哭書哭所以譏而胡傳從之愚竊以公穀之義為正也宣公之薨至是二十八月則主已入廟方入廟而遇災人子之痛切為甚成公可謂知所哀而哀矣焚先人之廬猶三日哭况廟為火所燬乎以為不合于禮大失聖人之旨

案孫氏復曰三日哭哀則哀矣何所補也孫氏覺曰曷若無災而不哭之為愈也杜氏諤曰若以為禮則常事不書案春秋有合禮不書之說故諸儒多以為譏然所謂譏者一則謂宣公篡弒得國火焚其廟示有天道一則謂成公不謹于火備致有天災義俱可通若以新宮災為不當哭則大非矣

六年二月辛巳立武宮

左季文子以鞏之功

羊公

武宮者何武公之

穀梁

立者不宜立也

立武宮非禮也聽

宮也立武宮非禮

于人以救其難不

也

可以立武立武由

已非由人也

啖子曰左傳之意以為武軍之宮如楚
子所立者非也若然則煬宮復何謂乎

劉氏敞曰丘明以武宮為武軍杜氏知其謬妄因
護曰既立武軍又作先君武公之宮二說皆非是

左氏欲解經以武宮為武軍杜氏欲解傳遂取武軍為武宮此難以通者也

取鄆

左
言易也

杜註鄆附庸國

公
羊鄆者何邾婁之邑

穀
梁鄆國也

也曷為不繫乎邾

婁諱亟也

李氏廉曰鄆為微國左穀皆同公羊以為邾邑者非汪氏克寬謂春秋取人之地未有不繫國者苟以諱亟而不繫邾則僖公取須句訾婁可謂亟矣何以繫之邾耶

八年夏宋公使公孫壽來納幣

左禮也

公羊納幣不書此何以

穀梁無傳

書錄伯姬也

案東萊謂公孫以同族兄弟而為君納幣非遠嫌之道趙子亦謂若合禮則常事不書而劉氏敵則曰凡諸侯之大夫孰非公孫者昏禮稱父兄師友父兄猶稱之況公孫乎彙纂謂班馬以後皆以人之賢否繫哉其辭伯姬有賢行舊史特詳錄之聖人因而不革書納幣書來媵書歸宋書致女辭繁而不殺皆緣末錄本之意公羊以為錄伯姬者得之胡傳以使卿納幣為越禮也者非也

秋七月天子使召伯來賜公命

賜公穀作錫穀

左
秋召桓公來賜公命

羊公

其稱天子何元

梁襄

曰天子何也見一

年春王正月正

稱也

也其餘皆通矣

范註自此以上未
有言天子者今言
天子是更見一稱

何註春王正月
之稱王文不變
其餘或言王或
言天王或言天
子皆相通

啖子曰二傳不知
文之誤強穿鑿爾

程氏端學曰啖說近是蓋天子天王雖同然春秋
二百四十年之中天王之見經者三十有二惟此

稱子爾故
知誤也

十二年夏公會晉侯衛侯于瑣澤

左
宋華元克合晉楚

公
羊無傳

之成夏五月晉士

燮會楚公子罷許

偃癸亥盟于宋西

門之外鄭伯如晉

聽成會于瑣澤成

穀
梁無傳

故也

趙子曰按此若實事則無不告諸侯之理經不應不書又曰會于瑣澤成故也按此會楚不與何以証其成乎故知並謬也

劉氏敞曰瑣澤之會本以合楚鄭令楚鄭不至魯衛自盟何耶且合晉楚者宋宋亦不與又何耶凡晉楚為平則應大合諸侯以申成好今三國會而已又何耶然則傳之言未足信也

景纂云西門之盟左氏備載其事而不見于經趙氏遂以為左氏附會劉氏敞亦謂傳未可信然若果無此盟則卻至與公子罷交相往來何以歷歷如繪耶蓋晉楚為成春秋惡之故聖人削而不書耳

案彙纂之言非也晉楚為成春秋所惡正當特書其事以示戒無為削之以諱其惡且此而可削何不併宋與虢之會削之學者寧信經而疑傳可也

十四年秋叔孫僑如如齊逆女九月僑如以夫人婦

姜氏至自齊

左秋宣伯如齊逆女

公無傳

穀梁大夫不以夫人以

稱族尊君命也九

夫人非正也刺不

月僑如以夫人婦

親迎也

姜氏至自齊舍族

尊夫人也

黃氏仲炎曰春秋內大夫或稱族或舍族者以前後一事故後從省文爾豈復有意義其間哉左氏之說妄也

彙纂曰先儒皆謂諸侯當親迎程子獨辨之以為親迎者迎于所館未有委宗廟社稷而遠適他國以逆婦者其說是也此條穀梁以為譏不親迎而胡氏從之又謂或迎于其國或迎于境上終似未安得見既曰迎于境上則未入境之先

十五年三月乙巳仲嬰齊卒

左無傳

公羊公孫嬰齊也曷為

穀梁此公孫也其曰仲

杜註嬰齊裏仲子
歸父弟宣十八年
逐東門氏既而使
嬰齊紹其後曰仲
氏

謂之仲嬰齊為兄
後也為兄後則曷
為謂之仲嬰齊為
人後者為之子也
孫以王父字為氏
然則嬰齊孰後後
歸父也

何也子由父疏之
也

范註謂父有弑君
之罪不稱公子故
子亦不得稱公孫

劉氏啟曰穀梁謂子由父疏不得
稱公孫則歸父何故稱公孫乎

賀氏仲軾曰魯人立後重在仲遂不重在歸父謂魯人為歸父立後是閔歸父也季孫與仲遂同為逆原無惡于仲遂直因歸父欲去三桓故季孫怒而逐之安有為立後之理此亦事情之易見者蓋是時魯有兩嬰齊一為叔肝子一則仲嬰齊皆公孫也皆見于經如俱稱公孫則此卒者知為何嬰齊耶且以公族言則皆公孫以親疎言則仲遂為莊公之子叔肝為文公之子世次亦既有辨則仲嬰齊從君賜稱氏而叔嬰齊稱公孫亦情理所安

宋華元出奔晉宋華元自晉歸于宋宋殺其大夫山宋

魚石出奔楚

左

蕩澤

即

山弱公室殺

公無傳

穀無傳

公子肥華元曰我

宋華元者宋公卒

為右師今公室卑而

子幼華元以憂國

不能治不能治官敢

為大夫山所譖出

賴寵乎乃出奔晉魚

奔晉晉人理其罪

石自止華元于河

宋人反華元誅山

上請討山許之乃

故繁文以大之也

反帥國人攻蕩氏

大夫山不氏者以

殺子山書曰宋殺

譖華元故

其大夫山言背其

族也魚石出舍于

睢上華元自止之

不可五大夫遂出

奔楚

杜註蕩山宋公族
還害公室故去族
以示罪

趙子云按經文云奔晉又云自晉歸于宋明白可
據傳乃云魚石自止華元于河上請討許之乃反

顯與經背且魚石自請討山則是處無過之地何
用復奔楚即令為與蕩氏同族慚而自去則是知
恥之人後不應却入彭城為亂又云華元自止魚
石按國亂用兵相攻是仇敵也如何自止之乎考
之事理無非乖謬魚石直與蕩山同惡爾

案經文則華元明借晉力以討亂故元歸而山誅
魚石出奔公羊註所云無可疑者二人蓋同惡相
濟魚石更挾楚以叛釀成大禍故五大夫出奔而
經獨書魚石為首惡如此安有請討山之事左氏
之說妄爾且華元懼桓氏族大欲藉晉力以討此
亦如石碯借陳力以除州吁亦何所不可而必穿
鑿其說乎諸儒多以傳事強合經文謂華元本意
欲求晉討彊臣以張公室既而為魚石所止遂討
蕩山與晉討無異故春秋成其志而書曰自晉歸
于宋如此則春秋紀事不以實也劉氏敞更謂華

元內有魚石之援則不待挾晉為重以求入蘓子
由謂鄭子產為政豐卷徵役將叛子產奔晉子皮
止之歸而逐卷其事相類夫子皮忠臣魚石亂賊
何可比例就使魚石果有止華元之事而華元為
魚石止何足榮從晉而入何足病而必
舍彼取此乎皆由信傳不信經之過也

又案積齋或問山不氏左氏以為背其族何氏以
為譖華元固不足信孫氏以為大夫之未命石氏
又疑其脫竊意大夫三命者氏再命者族孫氏之
說為近之木訥則謂聖人奪其族以示罪愚堂折
衷其說大夫未命不稱氏此只可論于隱桓之世
齊桓以後列國皆命大夫無不稱氏况魚蕩向麟
皆桓族豈有三族皆稱氏而蕩獨未命不氏者未
訥之說即杜氏之說杜氏以還害公室發明左氏
背族之義甚明顯蓋擅殺命卿紊亂國典乃必誅
不赦之賊不止背族與譖華元而已左氏失之晦

何氏失之小木訥直斥為亂臣較杜氏更的當當以聖人削去之說為正

冬十有一月叔孫僑如會晉士燮齊高無咎宋華元衛

孫林父鄭公子鮪邾人會吳于鍾離

左
始通吳也

公
曷為殊會吳外吳

穀
會又會外之也

也

劉氏敞曰公穀俱云外吳非也一地而再言會者明一會爾

趙氏鵬飛曰齊之盟孟之會春秋未嘗外楚此何獨外吳說者又謂尊吳故殊會與首止文同聖人豈以吳比王世子哉襄五年戚之會吳人在焉而不殊會蓋戚為衛地晉侯合諸侯于戚而吳以人

來會故文不殊鍾離相向皆近吳晉合諸侯往會之故曰會以會事殊文異其義甚顯無庸曲說

十六年六月甲午晦晉侯及楚子鄭伯戰于鄢陵楚子

鄭師敗績

左甲午晦楚晨壓晉

公羊晦者何冥也何以

穀

日事遇晦曰晦四

軍而陳卻至曰楚

書記異也敗何以

體偏斷曰敗此其

犯天忌我必克之

不稱師王瘝也王

敗則目也楚不言

及戰射共王中目

瘝者何傷乎矢也

師君重于師也

旦而戰見星未已

然則何以不言師

苗賁皇徇曰云云

敗績未言爾

明日復戰乃逸楚

何註末無也言當舉傷君為重無所取于言師敗績也

囚王聞之召子反

謀子反醉而不能

見王曰天敗楚也

夫乃宵遁

李氏庶曰公羊以晦為晝冥以上文丙寅朔考之則甲午正二十九日穀梁是也

王氏樵曰楚子敗績不言師君重于師也泓之戰宋公傷股而不書宋公敗者泓之師亦大敗而鄆

陵楚師未
至大敗也

十七年十一月公至自伐鄭壬申公孫嬰齊卒于鯉脤

脤公作軫
穀作軫

左文無解經義不錄

公非此月日也曷為

穀十一月無壬申乃

以此月日卒之待

十月也致公而後

君命也前此者嬰

錄臣子之義也其

齊走之晉公會晉

地未踰竟也

侯將執公嬰齊為

范註嬰齊實以十
月壬申日卒而公

公請公許之反為
大夫歸至于狸軫
而卒無君命不敢
卒大夫公至曰吾
固許之矣然後卒
之

以十一月還先致
公而後錄其卒故
移士申在十一月
之下是先君後臣
之義

陸氏淳曰穀梁謂致君而後錄臣案春秋係編年
月之書一例以先後書之且先言卿卒後言公至
皆實事何傷教乎二傳總不
達其文謬誤之理遂妄說爾

劉氏敞曰待君命然後卒大夫公羊之說非也公既已許之則成大夫矣先公未至卒之何傷乎假令國人一時未知公命公至告之乃追錄其卒亦宜追錄在致公之前不宜移其日于公至之後也又公孫叔卒于齊彼不待公命何為卒之哉案此係春秋經文之錯簡詳見闕文表

十八年春王正月晉殺其大夫胥童庚申晉弑其君州

蒲

左春王正月庚申晉

公無傳

穀梁稱國以弑其君君

藥書中行偃使程

惡甚矣

滑弑厲公葬之于

翼東門之外以車

一乘使荀榮士飭

逆周子于京師而

立之

彙纂曰稱國以弑穀梁以為君惡甚胡傳以為畧
之諸儒多主其說謂君為一國所共疾則與衆弑
之所以分其惡于衆夫春秋以立臣子之防豈有
為亂賊分惡者哉且即以晉論靈與厲相去不遠
而靈則書盾厲則稱國何也蓋穿弑靈公時則有
董狐之直筆趙盾遂受惡而不辭今書弑厲公史
筆未必如董狐書亦未必受惡其赴告于列國必
有所以諉其罪者魯之舊史從其所赴而書之矣

春秋不與其諉也故書曰晉弑其君使天下後世考其被弑之實而真兇不得以漏網此聖人之特筆也

案穀梁之說謬矣朱子謂晉字下應有弑君賊名亦未審當日之情勢也蓋春秋之經因舊史舊史之文從赴告里克殺卓子而立惠公惠公旋殺里克則以弑赴赴於諸侯曰里克弑其君卓及其大夫荀息本國既以弑赴魯史得有所據而書之矣若悼公當日未能誅藥書也既未能正書之罪則其赴告自必含糊其辭或稱衆弑或諉于他人弑俱未可知赴告既無藥書名氏魯史何從指實魯史向無指名春秋何從增造為書僂未減者固非謂春秋宜自書僂者則聖人不能違魯史而自定刑書也不然聖人豈嚴于里克而獨寬于書僂哉

襄公

元年仲孫蔑會晉欒黶宋華元衛甯殖曹人邾人
滕人薛人圍宋彭城

左春已亥圍宋彭城

公

為宋誅也其為宋

報

梁繫彭城于宋者不

非宋地追書也于

誅奈何魚石走之

與魚石正也

是為宋討魚石故

楚楚為之伐宋取

范註彭城已屬魚

稱宋且不登叛人

彭城以封魚石楚

石今猶繫宋者崇

也謂之宋志

已取之矣蜀為繫

君抑叛臣也

之宋不與諸侯專

封也

趙子曰按此乃是夫子裁其邪正不得不如此立
文何闕不登叛人與成宋志哉公羊曰不與楚專
封此是楚取彭城令魚石守之耳豈名封國乎穀
梁曰不與魚石正也與叛臣豈疑其為正哉意不
應如此

二年冬仲孫蔑會晉荀瑩齊崔杼宋華元衛孫林父曹

人邾人滕人薛人小邾人于戚遂城虎牢

左會于戚孟獻子曰

公虎牢者鄭之邑也

穀梁若言中國焉內鄭

請城虎牢以偪鄭

其言城之何取之

也

冬復會于戚遂城

也曷為不言取之

也
范註中國猶國中

虎牢鄭人乃成

為中國諱伐喪也

是年六月
鄭伯賁卒曷為不

繫乎鄭為中國諱

也

趙氏匡曰公羊謂不書取諱也案夫子
增損經文以示義觀文見義何諱之為

劉氏敞曰穀梁云內鄭非也鄭不服晉
諸侯伐之可謂外之矣反謂內之乎

彙纂曰此舉扼楚制鄭實闢天下之大計故不書城鄭虎牢況此時晉已取之非復鄭之所有自不得仍繫之于鄭也胡傳責鄭不能守恐于經旨未合春秋內晉外楚豈欲鄭守險以拒晉乎

震峯華氏曰城虎牢不繫鄭孔疏云大都以名通者不係國從史文也文定謂責鄭之不能有索虎牢係東虢舊封鄭奪而取之原非鄭所當有也聖人不責鄭之有虎牢而反責鄭之不能守虎牢決不然矣然則十年冬戍鄭虎牢何以繫鄭曰下書楚公子貞帥師救鄭則上不得不書戍鄭矣非後係之鄭為責晉之不當據前不係鄭為責鄭之不能也有也說春秋者好以一字為穿鑿類如此

五年叔孫豹鄫世子巫如晉

左
穆叔覲鄫太子于

公外相如不書此何

殺外不言如而言如

晉以成屬鄆書曰

叔孫豹鄆太子巫

如晉言比諸魯大

夫也

以書為叔孫豹率

而與之俱也曷為

與之俱蓋舅出也

巫是鄆前夫人莒

女所生巫之母即

魯襄公母之姊妹

俱莒外孫故曰舅

出莒將滅之故相

為我事往也

疏云取外孫為嗣

賴梁說亦同公羊

則此之如晉同公

羊說訟取後事亦

無不可但不得云

為我事往故徐邈

註取左氏為說謂

請鄆于晉以助已

出賦也

乎莒奈何莒女有

為鄆夫人者蓋欲

立其出也

鄆更娶後夫人

於莒而無子有女還嫁于莒有外孫鄆子愛後夫人欲立其外孫為鄆嗣故巫以前母之子如晉訟之

索左傳謂莒實滅鄆公羊謂鄆取後乎莒與穀梁說同此傳乃其張本也詳見六年莒人滅鄆下

冬戍陳

左九月丙午盟于戚

公羊孰戌之諸侯戌之

穀內辭也

會吳且命戌陳也

曷為不言諸侯戌

范註不言諸侯是魯戌之

冬諸侯戌陳

之離至不可得而

杜註諸侯皆在戚會受命戌陳各還

序謂離別前後至故言我

國遣戌不復有告命故獨書魯戌

也

趙子曰左氏云冬諸侯戌陳案經文無諸侯字奈何妄云諸侯乎公羊云離至不可得而序縱離至

不得列序但云諸侯戌陳于理何傷若諸侯戌之如此為文即魯自戌之而將卑師少又如何立文乎且如諸侯盡戌之則兵力盛矣何得下文更為會以救之按僖十三年冬諸侯會于鹹明年城緣

陵云諸侯此無諸侯字
魯自戍之耳義亦昭然

案趙子之說亦甚辨與穀梁說同然經文與僖二
年城楚丘同義楚丘決非魯一國所能獨城也則
左公羊之說更為得之且此時楚方爭陳合諸侯
力且不足魯豈能獨力往戍晉亦無使魯人獨往
之理趙子殆亦泥于經文
而未審當日之大勢也

六年秋莒人滅鄆

左
鄆恃賂也

公
無傳

穀
梁非滅也立異姓以

莅祭祀滅亡之道
也

趙子云公穀之意蓋因昭四年經云取鄆以為若
今實滅之不應復書取所以云立異姓也按莒令
滅鄆以為附庸後魯取得之何妨書取鄆乎且定
六年鄭滅許哀元年許復見于經則鄆之滅而再
見亦何足怪若鄆人實取外孫為國嗣罪自在鄆
非莒之過則經文又當如梁亡之類而書鄆亡不
得言莒滅且以人情物理言之鄆雖小國亦有君
臣社稷豈肯居然取于異姓為後案其事情莒人
以兵破鄆立其子使守之而為附庸其子又鄆之
外甥今奉鄆祀神不散非類是使鄆絕祀又事須
書滅耳公穀但傳得立鄆甥守祀故
書曰滅而不究事實遂誤為立傳耳

霞峯華氏曰此條文定取公穀之說案左氏前後
傳莒人滅鄆及魯取鄆之始末情事瞭然各有來
歷若公穀之說不知何據夫鄆取莒公子為後罪
在鄆不在莒與黃歇呂不韋之事不同何也謀不

自莒出也聖人不正鄫之罪以為寵愛妄立異姓
以亡宗祀之戒而顧以滅鄫之罪加之未嘗與謀
之莒用法可謂不平矣夫舍明白可據之左傳得
一新奇可喜之說而附會之儒者之好異往往如
此蓋不獨滅
鄫一事然也

案滅鄫斷宜從左傳而趙子所論公
穀誤傳之因亦極有理當並存之

七年冬鄭伯髡頑如會未見諸侯丙戌卒于鄫
髡頑公穀作髡

原鄫公穀作操

左鄭僖公將會于鄫
公弑也曷為不言其

穀卒之名何為加之

子駟相不禮焉侍

大夫弑之為中國

如會之上見以如

者諫不聽又諫殺之及鄆子駟使賊夜弑僖公而以瘡疾赴于諸侯簡公生五年奉而立之

諱也鄭伯將會諸侯于鄆其大夫諫曰中國不足與也不若與楚鄭伯不可其大夫曰以中國為義則伐我喪以中國為彊則不若楚于是弑之未

會卒也鄭伯將會中國其臣欲與楚不勝其臣弑而死其不言弑何也不使夷狄之民加乎中國之君也其地于外也其日未踰境也

見諸侯其言如會

何致其意也

何註禍由中國無義故深諱使若自卒

范註以其臣欲從楚故謂夷狄之民不欲使夷狄之臣得弑中國之君故去弑而書卒使若正卒然

劉氏敞曰此弑也曷為不言其弑以卒赴也以卒赴曷為遂書之徧絕其臣子也君弑臣不討賊命之曰非臣親弑子不復讐命之曰非子鄭非無臣子也君子即其所以赴于諸侯而遂書之見鄭之無臣子也

案公穀之論極謬欲為中國諱惡而先為亂賊免罪既以中國之君見弑于夷狄之民為可惡反寬

其罪而書卒使免於見討其為亂賊計何甚便乎而文定乃以為精論得聖人之旨此不可解至趙氏臣信經疑傳而諸儒多從之謂此與宋公佐卒于曲棘許男卒于師同則又非也趙氏之言曰若實弑而以卒赴便從而書之諸國弑君豈有實告者愚謂弑君而以實赴者或由當國之大臣明正其罪或秉筆之太史以死力爭不則弑賊先以偽赴而後之立君更誅之更以弑告魯史從而改正若舉國通同欺隱魯史何從訪聞得實遽正其罪乎若正其為弑便當興討賊之師未有寂然一無舉動而憑空加以弑君之名者也魯史既從赴書之夫子更何所據以改正乎今使後世有殺人者亦必因其親戚之控告隣里之舉首而後有司加訊黜焉得其實而後可令抵罪若使全無舉發有司亦不能因道路之言而遽殺之也春秋弑君之赴告何以異是劉原父謂從赴書卒以見鄭無臣子

斯言為斷
不可易也

九年春宋災

災公作火

左文繁且無釋經處

公何以書記災也外

穀外災不志此其志

故不錄

災不書此何以書

何也故宋也

杜註來告故書

為王者之後記災

范註故猶先也孔
子之先宋人也

也

彙纂曰此條當以杜氏預之說為正公穀以為外
災不書非也至謂宋為王者之後孔子之先故書
其災則鑿矣昭十八年衛陳鄭與宋同日災果如
公穀之言春秋獨書宋可也何以合四國備書之

乎

冬公會晉侯宋公衛侯曹伯莒子邾子滕子薛伯杞伯
小邾子齊世子光伐鄭十有二月己亥同盟于戲

左冬十月諸侯伐鄭

公羊傳

穀梁

不異言鄭善得鄭

鄭人恐乃行成知

也不致恥不能據

武子曰許之盟而

鄭也

還師以敝楚人吾

范註戲盟還而楚即伐鄭故恥不能

三分四軍與諸侯

終有鄭

之銳以逆來者十
一月己亥同盟于
戲晉人不得志
于鄭以諸侯復伐
之十二月癸亥門
其三門閏月戊寅
濟于陰陂侵鄭次
于陰口而還

杜註此年不得有閏月戊寅戊寅是十二月二十日疑閏月當為門五日五字上與門合為閏則後學者自然轉日為月晉人三番四軍更攻鄭門門各五日晉各一攻鄭三受敵癸亥去戊寅十六日以癸亥始攻攻輒五日凡十五日鄭故不服而去明日戊寅濟於陰阪復侵鄭外邑

啖子曰十月十二月蓋誤重說也古史或有用周正者或有夏正者故有兩月不同蓋作傳者承二國之舊史月數不同遂兩載之

案啖氏與杜註說各不同亦各有義理然終不如杜註之精細從杜可也

十年戌鄭虎牢楚公子貞帥師救鄭

左書曰戌鄭虎牢非

公諸侯已取之矣曷

穀梁其曰鄭虎牢決鄭

鄭地也言將歸焉

為繫之鄭諸侯莫

乎虎牢也

杜註二年晉城虎牢而居之今鄭復叛故修其城而置戍若鄭服則將還

之主有故反繫之

鄭

范註二年鄭去楚而從中國故城虎牢不言鄭使與中國無異自後數反

之夫子善晉侯特探其心而繫之鄭

何註諸侯本無利虎牢之心欲共以距楚爾故反繫之鄭以見其意

覆無從善之意故繫之于鄭決絕棄之

彙纂曰胡傳謂虎牢繫鄭為罪諸侯非也既城虎牢而不戍何貴乎城戍之所以庇鄭而抗楚三駕之績實本于此何罪之有又謂春秋許楚之救鄭尤非也此年書楚救鄭與僖二十八年書楚救衛義同蓋以見晉霸方興而楚不能爭耳

案下書楚公子貞救鄭則上文自不得不書戍鄭以見救之由文法當如此無他義也一切謂罪諸侯與善晉又謂棄鄭皆為曲說

十一年春王正月作三軍

左作三軍三分公室

公羊三軍者何三卿也

穀梁古者天子六師諸

而各有其一三子

何以書譏何譏爾

侯一軍作三軍非

各毀其乘

古者上卿下卿上

正也

杜註魯本無中軍惟上下二軍皆屬于公有事三卿更帥以征伐季氏欲專其民人故假立中軍因以改作

士下士

趙氏直曰魯卿素已有四五不止三也公羊此說適足令學者疑謬爾穀梁曰諸侯一軍案國有小大軍制當異而但云一軍無等差之異必無此理况魯初封時最為大國非一軍明矣

李氏廉曰杜以為魯舊二軍今增立中軍為三軍胡氏以為魯本有三軍今不過廢公室之三軍而三家各有其一故謂之作其說小異然疏又曰魯初封時必有三軍後以軍多貢重故自減為二非是魯來不滿三軍也若如此說亦無礙

十四年春王正月季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人會吳于向

左
范宣子將執戎子

公無傳

穀
梁無傳

駒支曰今諸侯之

何註月者危刺諸侯委任大夫交會

事我寡君不如昔

彊夷臣日以彊三年之後君若贅旒然

者言語漏洩職女

之由對曰云云宣

子辭焉使即事于

會

劉氏敞曰左傳所載皆不實諸侯解體非此我之過范宣子寧不知何以誣之哉去年蒐于綿上傳曰諸侯遂睦到此一年爾何故遽有言語漏洩不如昔者之事又曰宣子使即事于會以成愷悌然則是諸戎列于會矣經又何以不序乎

十五年劉夏逆王后于齊

左

官師從單靖公逆

羊公

劉夏者何天子之

穀

過我故志之也

王后於齊卿不行

大夫也外逆女不

非禮也

書此何以書過我

也

趙氏圭曰若實有單靖公逆王后經不應不書故知左氏妄也公穀皆曰過我亦非也豈有天子取后將為天下母而得云外逆女不書乎明是劉夏非卿使逆后為非禮乃書以示譏爾若使卿逆即常事不書矣所謂外逆女不書者謂諸侯于外國娶雖非禮亦不書

案凡出聘鄰國正與介兼行者單舉正若實有單靖公經何為畧而不書而單舉劉夏乎況左傳亦自相牴牾既云從單靖公則靖公在行矣又何得云卿不行

十六年三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

左晉侯與諸侯宴于

公諸侯皆在是其言

穀梁涇梁之會諸侯失

溫齊高厚之歌詩

大夫盟何信在大

正矣諸侯會而曰

不類荀偃使諸大

夫也何言乎信在

大夫盟正在大夫

夫盟高厚高厚逃

大夫偏刺天下之

也不曰諸侯之大

歸於是諸侯之大

大夫也君若贅旒

夫大夫不臣也

夫盟曰同討不庭

然

孔疏案傳荀偃以君臣不敵故使大夫盟高厚君使之盟非自尊也高厚既已逃歸仍恐餘國有二心故遂自共盟以一其志

趙氏匡曰平公父卒至此纔五月豈有使行宴樂歌舞之理又云高厚逃歸案若已在會而逃歸渝盟經文不合不書僖五年會首止鄭伯逃歸不盟襄七年會于鄆陳侯逃歸並書以明其罪何得獨

此不書則知左氏此傳皆不足憑信也

朱子曰諸侯出會而大夫自盟這箇自是差異不好

案左傳及杜註孔疏皆曲為晉解釋云非大夫之專與公穀異彙纂亦兩存其說云揆之情事亦合然聖經于叙列諸侯下特著大夫盟三字不是無意自後平公失霸列國之大夫擅權皆自此啓則公穀之說精矣合之趙子之論則左氏尤不必泥也

十九年晉士臼帥師侵齊至穀聞齊侯卒乃還

左聞喪而還禮也

公還者何善辭也何穀還者事未畢之辭

善爾大其不伐喪

也君不尸小事臣

也此受命于君而
伐齊則何大乎其
不伐喪大夫以君
命出進退在大夫
也

不專大名善則稱
君過則稱已士句
外專君命故非之
也然則為士句者
宜奈何宜墀帷而
歸命乎介

陸氏淳曰穀梁云句宜墀帷而歸命于介案不伐
喪常禮也更待君命是詐讓小善非人臣盡忠之
道

劉氏敞曰穀梁謂還者事未畢以為貶士句如公
子遂至黃乃復公孫教如周不至而復復者穀梁
所謂事畢也然則春秋反不貶遂與教乎

朱子曰春秋分明處只是晉士句侵齊
至穀聞齊侯卒乃還這分明是與他

黃氏仲炎曰後世若隋高顓將兵伐陳會陳有喪
必請于文帝奉詔而後班師庶幾春秋之義穀梁
之說得之公羊云
進退在大夫謬矣

案黃氏泥于春秋合禮不書之義故每事皆從貶
削如召陵城濮蕭魚皆多加責備未必合春秋之
旨如此條尤顯與朱
子異然亦可備一說

二十三年八月叔孫豹帥師救晉次于雍榆

左禮也

公羊曷為先言救而後

救言救後次非救也

言次先通君命也

彙纂曰救而書次遲回觀望非能救者也春秋譏之左氏以為禮公羊以為先通君命皆誤矣

二十九年春王正月公在楚

左釋不朝正於廟也

公羊何言乎公在楚正

梁閔公也

月以存君也

陳氏岳曰如晉而不朝正者故不書如楚不朝正者非常也故書

高氏閔曰公不奔天王之喪而以俟楚子之葬久留於楚迨夏乃歸故聖人特于朝正之時書公所

在與昭公失
國在乾侯同

金氏賢曰公羊曰存君殺梁曰閔公愚謂亦罪公也公在位三十年未聞有在京師者故曰亦罪公也

吳子使札來聘

左

不解經義故不錄

公羊

吳無君無大夫此

穀梁

吳其稱子何也善

杜註吳子餘祭既遣札聘上國而後死札以六月到魯未聞喪不稱公子其禮未同于上國孔疏札至魯偏觀

何以有君有大夫

賢季子也何賢乎

季子讓國也

使延陵季子故進

之也其名成尊于

上也

周樂因以六月到魯未及聞餘祭之喪故每事皆從吉禮

程氏端學曰吳子使札來聘三傳賢之而胡傳及張氏諸儒以不稱公子為貶夫札以名見而不書氏與楚椒秦術等耳于褒貶兩無所取也且札讓國致亂在三十年之後孔子安得預去公子而貶之乎春秋即此事而論其曲直可矣未嘗因此而論他事之善惡也

彙纂曰吳能以禮來聘春秋書子以進之札以名書當以杜註孔疏為正非褒貶之所係也公羊以札能讓國而賢之穀梁以吳能使賢而善之皆非經旨至胡傳謂札以讓國階禍聖人特書名以示貶則鑒之甚矣

三十年晉人齊人宋人衛人鄭人曹人莒人邾人滕人
薛人杞人小邾人會于澶淵宋災故

左為宋災故叔孫豹

公會未有言其所為

穀梁會不言其所為其

會諸侯之大夫以

者此言所為何錄

曰宋災故何也不

謀歸宋財既而無

伯姬也此大事也

言災故則無以見

歸於宋故不書其

曷為使微者卿也

其善也其曰人何

人卿不書不信也

其稱人何卿不得

也救災以衆何救

不書魯大夫諱之

憂諸侯也

焉更宋之所喪財

也

也澶淵之會中國

不侵伐夷狄夷狄

不入中國無侵伐

八年善之也晉趙

武楚屈建之力也

劉氏故曰左氏云罪失信非也失信者如清丘之
盟直貶其人而已今獨舉其事又貶其人非特惡
失信而已公羊云此大事卿不得憂諸侯夫諸侯
相聚而更宋之所喪何大事之有大夫受君命以
出即是諸侯耳何用必其非諸侯之命乎穀梁云
善之亦非也一國失火自焚其財諸侯何至羣聚

而謀之以此為善是春秋貴小惠而不貴道也

朱子曰程子所謂春秋大義數十如成宋亂宋災故之類乃是聖人直著誅貶

紫劉氏原父駁三傳之說精矣然穀梁之尤舛者尤在善弭兵之策謂中國無侵伐八年是晉趙武之力此乃大謬夫釋蔡般弑君之賊不誅而沾沾於歸宋財使日後楚虔得借討亂為名而烹滅陳蔡此最害事然所以為此者亦由泥于弭兵之說謂蔡屬楚無用亟動干戈以渝盟第行小惠如承平故事此趙武之昧于理闇於事機謀國之最不善者何反善之乎

春秋大事表卷四十二之三